



晉江下雁水著

# 問山詩集

希鄴堂藏板

問山詩集序

莆田林堯英撰

兵部職方郎中下雁水先生袁其所為詩若干首王阮亭侍讀施尚白侍讀為之論定以行索序於余余未有以應也會雁水銜命司贛南瀕行謂余曰吾兩人生同里少同學及來京師先後官戶曹倡酬無虛日不可以無言余聞之古云一國之事繫一人之本謂之風言諸侯為化無自專之道必統繫於天子以成優柔動物之治也周續之云由我化物謂之風物由我正謂之雅體

一也春秋卿大夫過都越國必因詩以觀其

志與夫政事之得失漢集羣臣爲七言類皆各述其職  
建安已後變爲雕績綺靡之辭而詩與政二嗟乎此古  
今人才之所以盛衰也與今制設郡邑以監司挈其綱  
厥任甚專且鉅虔故阨塞地雩峽三江鬱律而盪激篁  
箐蒙翳虎豹奸宄出沒于其中往者氛祲交作烽舉燧  
燔丁男轉輸旄倪瑣尾歎怨愁苦之聲數百里而不息  
賴

天子仁聖下熊羆鳧藻之師章江以南不旋踵而底定  
雁水之蒞其地喁喁然望之者不知凡幾方痛惜奧林  
之不暇奚及詩竊也不然夫詩爲萬物之祖本于摯性  
發爲聲歌雖區宇之廣深山大澤之遙不能使之流連  
而感奮者余未之信也雁水少負踰蹕之才受司寇公  
書盡發其藏起家邑令人爲郎卓卓有聲尤喜哦咏山  
川風物耳目所觸一發之于詩今讀中州三輔諸什遭  
時坎壈多怫鬱沉澹之音洎居長安益得博涉典故交  
海內名公碩彥其詩閎以暢論者謂其祖述漢魏規模  
三唐豈知溫柔敦厚爲三百五篇之遺哉他日行部之  
餘登鬱孤鼓柁九十九泉不必復尋白蘇之遺刻取諸  
問山集而足矣余弁陋不工石林漁隱之談而舉作詩  
之有源本者爲乘韋先云

問山詩集序

寧都魏禧叔子撰

庚申五月雁水丁公以分守嶺北路出金陵部民魏禧  
將就鑿雙林亦暫停於此公聞之杆車騎臨客舍不值  
明日報謁公首詢地方利弊繼談詩因出示問山詩集  
而命以序蓋禧顛之寧都人也而公泉州人顛閩粵壤  
相錯顛屬利害必與閩粵爲連卽比年事可觀矣古者  
太史采十五國之詩獻于天子閩與吾江西無與其時  
文教未開風雅之道爲蠻方所不講近數百年間人文  
輩起足與中原南服相畸勝故能聲詩者山郡水邑多

有其人而公特以詩名于南北士大夫之間者且數十年夫泉州濱海之地貨寶所充物其人奇巧多藝能倘韓愈氏所謂天地清淑之氣于是焉窮非丹砂物寶所能當而技巧之智不足以勝其氣故特鐘之於公歟比年閩粵旣靖吾韻稍稍休息徵役之困尚未知所息肩百室空虛而民愁苦猶且絃誦咏歌者比戶而不絕以公之寬仁振之以學道之化拊循而涵濡之所謂小人易使者亦庶幾其可見禧讀公詩和厚而深摯藹然謂仁人君子之言其感人也油油乎若春風之被物吾知其爲政必猶是矣于旄之三章曰子子于旄在浚之城

素絲祝之良馬六之彼姝者子何以告之古卿大夫之下士者非徒希折節之名而已必將有所諮詢俾有益於其德與政事然處士盜虛聲者自古多有故詩人於于旄之臨唯恐夫姝子之無以相告而賢大夫勤求諮詢之意不言而可以想見公深得乎詩人之義禧學疎識鄙無能有所啓告卽讀公詩能知其工而不能深言其所以工況進於是者乎或謂後世下士有單車徒步躬欵於其廬者毋乃賢於于旄六馬之爲余曰不然書有之曰樹之風聲夫世之重貴而輕賢也久矣于旄六馬人所炫慕而一旦賁止於荒郊茅茨之間則必相與

問山詩集 魏序  
驚而傳之而賢者之聞風而欲告大夫以善者將源源而不可止公以溫柔敦厚之教治吾贛興利彰善而去其泰甚贛之士讀公詩聞公行事必有所以告公禧固不足道也

問山詩集序

龍眠錢澄之撰

余客閩最久故生平之詩作于閩者居多而閩士大夫在四方者亦往往多與余交好今老矣又于鄂城得交丁雁水張夏鍾兩先生兩先生皆有詩文名于世夏鍾文多未見見其匏野集昌明正大稟經析理一矩于宋之大家明之先正諸作而不爲詩雁水雖未識面吾友龔干谷亟稱之而葉慕廬蒼巖俱深歎其詩詞之美今儼然以所著問山集全部見示而命之序余既序其文矣讀其詩則二葉子所稱爲一代作者信非虛語也吾

嘗論詩以性情爲本而行之以氣韻和之以聲律虞書  
論樂曰詩言志歌永言聲依永律和聲此數言者卽詩  
之道盡于是矣詩至漢魏極盛沿及唐代初爲律體而  
後世宗之至今要未有不具是三者而可以詩傳也往  
者歷下瑯琊專事聲律調甚高學者習之益爲膚曼之  
詞襲其鏗鏘鋪陳故實而氣韻性情蔑如矣至于竟陵  
幽寒刻削聲律旣亡何論氣韻彼其所謂性情不過本  
其方隅之見詖私之智惡知古人之所爲性情哉而虞  
山乃力闢何李尤詆北地夫北地枕藉少陵氣味文句  
不自知其浸淫而出雷同庸有之而謂專事剽竊過矣

且何李卽不少陵要不失爲大雅于吾所論詩之道或  
猶有存焉者今欲闢之以成己是作意決摘何所不得  
然豈爲定論乎詆之已甚使學者競趨中晚其勢不得  
不流爲宋元以致今日背唐宗宋皆虞山爲之嚆矢也  
且亦知今日宗宋元卽爲異日復蹈竟陵之漸乎今觀  
先生之詩春容渾雅情至詞給屈曲匠意乃極自然蓋  
一取法于唐而深有合于吾論詩之指也雖曰學之所  
致蓋亦有天授焉往黃東崖相國于閩詩最佳何紫屏  
語余曰公每詩成輒慮音有不諧今先生審音叶律妙  
合宮商以致所撰詩餘柔情壯采宛轉合拍聲律之精

問山詩集 金月  
無或踰之吾謂其有天授卽此非一端與先生言詩謂  
清而不已必至于薄真而不已或至于率率與薄相乘  
漸且爲俚爲野遂入竟陵一派夫先生之詩未嘗不清  
且真而畏其流之所極若此則其學詩之宗旨于斯可  
見而防微杜漸維挽風氣之深心亦具見于斯矣余于  
詩學之有年其意嚮畧與先生等而才力謏陋晚而益  
好苦吟常慮失之野俚誠有如先生所云者世外窮老  
持其說以語人人不之信今先生方將當大有爲之任  
而力學不倦常有風氣之憂則主持斯道者舍先生其  
誰吾竊幸吾說之將信于人也故樂而爲之序

問山詩集序

秀水朱彝尊撰

閩自十才子以詩名而高廷禮集唐人之作別其源流  
嚴其聲格若圭景籥黍之無爽當是時吳有北郭十子  
粵有南園五先生名譽實相頡頏其後吳中之詩屢變  
而閩獨未之改梁公實名列七子詩猶循南園遺調鄭  
繼之規法李獻吉曹能始與竟陵二子游倡和甚密今  
讀其詩所掾蓋依然土風也三十年來海內譚詩者知  
嫉竟陵邪說仍取法於廷禮比復厭唐人之規幅爭以  
宋爲師夫惟博觀漢魏六代之詩然後可以言唐學唐



人而具體然後可以言宋彼目不覩全唐人之詩輒隨響附影未知正而先言變高詡宋人詆唐爲不足師必曰離之始工吾未信其持論之平也武選郎中晉江丁先生雁水分司通惠河之暇彙其所作爲問山集讀其詩直者不伉綺者不靡約言之而可思長言之而可歌先生之詩可謂善學唐人者矣今夫離支之爲樹相其柯葉無以大異於凡木也當其薰風被朱實垂問其種以百數雖下者亦可敵四方之珍果焉矧夫凝冰挂絲之尤美者乎顧吳越誇以楊梅燕齊侈以蘋婆之果閩粵之知味者將笑而不應則以中有所得自不遷於所好也先生之於詩旣自得之假有操宋人之流派欲先生盡變其土風吾知先生有所不屑已

問山詩集序

萊陽宋 琬撰

吾友丁君雁水用邑宰起家有聲於三輔間既而爲民  
部主政剔釐鹽筴悉中窾要大司農以下咸器重之余  
以爲此經濟之傑士也旣而讀其所爲詩春容閒雅清  
新幽異淪淪乎其麗以則也獨念雁水以淹雅之才  
本空載筆於承明著作之庭乃俛首爲貧閒關躑躅絕  
無憔悴羈孤之感是豈凡情之所易及哉夫屈左徒與  
陳思王千古文章之士也一則求白而無以自明一則  
求試而無以自展輒散步行吟其音排側陳思王至謂

所懷萬端竟夕不瞑二公之文非不瓌麗然天地冲和之氣抑亦疑其太削矣雁水則隨寓而安委心任運筮仕爲吏縣最瘠而其中泊如今雖優游郎署復爾繁瑣雜沓絕不以爲煩苦斯非充然有得於中豈能幾及耶至於鑿山川之奇奧集賓朋之勝游是不爲造物所縛而獨得夫優柔平中之致者歟茲且名位益隆撰述益富清廟明堂之什足以鼓吹休明者泱泱未艾要之雁水之胸次固未嘗以歷境而異視之也雁水之言曰詩貴合法然法勝則離詩貴近情然情勝則俚余聽其持論益爲心折復何間然於其詩哉是爲序

問山詩集序

華亭沈 荃撰

今譚詩家人人殊言唐言宋宗尚各異爲正爲變派別流分譬黑白之不相爲南轅北轍之分途而驚也余竊以爲不然詩生於情情緣乎境境之所會不一則聲情隨之故朝廟之詩噲吟而莊雅猗那穆清諸什是也山林之詩蕭放而閒止衡門獨寤之歌是也道懽娛則韶冶而多風寄離愁則悽惻而善感比之脾馘羹醴咸稱適口玉環飛燕並號姱容令必執一家之尚守獨是之見尊郊島則非沈宋習温李而貶高岑是將施黼黻於

沾塗被草衣於尹姑違情易向彼此貿趨風人之旨去  
斯遠矣吾友丁君澹汝深於詩者也生自八閩其中山  
水秀傑人物瑰奇高鄭振藻於前林曹繼軌于後意其  
所爲詩必有巉峭幽迥如武彝之奧折筍江之鬱紆者  
又筮仕魯獻夙稱巖邑繼遷郎署復膺猥煩間關躑躅  
則羈孤之感易生執掌簿書則靡盬之懷間作疑其歡  
娛難工而愁苦易好今春馮子寶初携澹汝問山集示  
余受讀卒業颯颯乎怨不至誹愉不近流清者不癯華  
者不縟優游平中衆製備美擬古則登建安之堂奧近  
體則揚大曆之颺流間居述懷則韋陶方駕扈從應制

則燕許分鑣以至別處士於山中送校書於江上莫不  
指河梁而寄恨佇渭北以纏懷文質相宣纖濃合度旣  
麗且則直追風人之遺豈與夫南園北郭雄長一方竟  
陵公安支流別出者比哉異時簪筆承明鼓吹大雅當  
有昭夏九章饒歌數闕上獻  
闕廷比於歌虞頌魯之作潤飾一代又豈特爲詩學梁  
津已也是爲序

問山詩集序

鄂渚余國柱撰

予與雁水初遇見其澄懷若谷凝神若遺知其必得性情之正而未知其能詩也及予量移農部適與雁水同郎署比軍書旁午籌餉孔切鹽筴度支諸大事雁水口計指畫剖決如流人皆以劉穆之目之又知其有經濟之才亦未知其能詩也一日首夏雨過署前有古槐蔭垂數丈三五同人偃仰其下感時觸緒寫懷分詠而雁水則擊鉢立就遂爲絕唱始知其不惟能詩而且服其深於詩者也退食之餘得時相往復耳熱酒酣撫今追

問山詩集 卷序  
舊或尋道士之桃花或折春明之楊柳挹西爽則風開  
閭闔聽曉漏則履曳河橋雁水莫不有詩以紀其事予  
亦偶隨其後雖才本天定學悔少作不逮遠甚然而吾  
黻子佩之雅神聽和平之訟固已懽然無問矣未幾予  
濫厠掖垣雁水亦有潞河之役相距僅數十里許職分  
內外跡落晨星間一問好寒暄而外無他及客歲冬杪  
厯水三年報竣候補邸舍出問山詩集以行世其由魯  
陽而畿輔由邑宰而部署約計生平所作不下數千首  
今刪者十有七八大都頌聖明而猶存忠規感時遇而  
不傷搖落選聲調而無香奩之習出幽峭而絕寒儉之

容純乎風人忠厚和平之旨焉濟南宣城諸君子評之  
詳矣獨是雁水以制作之才不得爲金閨石渠之彥高  
議雲臺之上廼以風塵之踪跡閱歷之情事發爲聲歌  
豈天欲揚而故抑之則詩之成就亦有幸不幸乎今且  
列戟嶺表駐旌橫浦登鬱孤之層臺望梅花之香國憑  
高眺遠慨然有賦其挹江山之勝而成偉麗之觀所就  
豈有量哉雖然章貢爲先大父中丞公舊游地先大父  
與鄒南臯諸先生講學曰鷺書院力阻璫祠後以嶺北  
叅藩軍功坐晉虔撫雖時遠事微其流風遺韻猶尚有  
可揚扝者乎藉好友而光祖德予之一往情深曷能已

已寧都魏叔子文章節義士也予昔以應

聖天子博學弘詞之命因伯子故堅辭不出雁水高軒偶過請以予言質之當必有合也予不暇論詩祇論吾兩人之交誼如此又何敢云皇甫耶

問山詩集序

堯峰汪琬撰

予往在戶曹從晉江丁子澹汝游愛其爲人磊落多奇未久而予奉使以出既還而以養病請告南歸雖嘗讀丁子之詩然未暇窺其全也逮予應

詔至闕下丁子始投予問山集若干卷子受而卒業大篇短章間見層出訇然如鐘呂之鳴煌然如藻火之麗洵乎其爲詩人之雄也蓋丁子之少也生長嶺海萬里之外長風怒濤魚龍變幻靈泉窮壑雲霞出沒恠禽珍獸嘉華異果極瑰瑋閎濶非常之觀既有以觸發其

問山詩集 江序  
心志及其仕也回翔畿輔以達乎

天子之都博通 國家之故事習聞名公鉅卿之議論  
而周覽乎古昔酒人俠客仗劍擊筑悲歌慷慨之遺址  
至於簿書稍暇則所過從者悉皆四方騷雅之士日夕  
從容乎壺矢棋局鉛槧罇俎之場又有以恢拓其耳目  
而陶冶其情思故其發之於言無不陳黼黻中鏗鏘未  
嘗求工而自造于工也予比年以來退老田野舉凡杖  
履之所棲不過跬武而輪櫟之所至亦不及一舍入與  
蓬首赤脚者居出與鎌樵筒釣者爲伍以是學術日陋  
而神氣日衰雖間一賦詩往往頽唐跣地叩之喑然而

無聲循之黯然而寡色固不足以齒作者之林夫豈  
能晞丁子所造哉而丁子猶惓惓寓情於予殆不知其  
老將智而耄及之也幸而復得相見於此願往就丁子  
學焉則又自顧其學術之陋神氣之衰年齒之蹉跎放  
廢其尚可與研窮其曲折而追溯其波瀾否耶丁子必  
有以告我



問山集後序

詩心聲也根柢五常雕鐫萬象以發越于切律比韻之間源以謀始學以閔中性以要終三者備矣詩殆庶乎然而難言矣鄴中父子惟平原綽有宗風杜曲祖孫僅工部能傳句法此溯源之難也千賦爲質纂組始成萬卷羅胸埒塵斯濯此殖學之難也賞心莫遇斯以後出相遺愴父見嗤遂爾半途易廢此真性之難也惟是源不端則途霧矣學不充則氣萎矣性不篤則志荒矣釋茲以談巷諺途歌欲以希踪作者之林實難吾家自先高祖少司寇公與宗子相梁公實二先生同譜友善風

問山詩集 後序  
雅酬唱三陵一集謚爲嘉隆正始迨先祖父大司寇公  
敷歷卿貳覃心著作當是時袁中郎先生初變七子之  
調而大司寇公獨與吾鄉曹能始先生力守元音不失  
膳部法派平圃遺詩爲先迪功與先司馬五叔父校定  
於司寇公騎箕之後鉸鉢初成傳播未廣會先迪功與  
先司馬叔父相繼歿謝風雅一道不絕如綫而雁水兒  
則先司馬叔父次子也少孤早悟稚歲能文先是少司  
寇公罷蜀郡守歸購書萬餘卷皮希鄴堂世守勿失兒  
幼從塾回輒竊抽架上墳索子史古文選詩諸帙以出  
避人闇誦夜分無燭猶對竈作洛誦聲每讀三陵平圃

二集輒泣然曰顧安得謝經生業振此未墜緒乎年十  
二卽與若木六叔父暨雨航叔父分韻賡迭雋句奇思  
超詣意表今存集中如歐陽石室巢雲巖齋雲洞彌陀  
巖諸什猶自琅琅可詠筮仕魯陽賦豁俸蠲晨炊不給  
惟日從諸生借奇書鈔錄苦吟覓句恒至竟夕不瞑郎  
基之木枕不作祇事寫書紫芝之琴匣頻開偏耽雅詠  
庶幾類之矣俄移樂壽縣務委積吏民訴牒日百數兄  
目覽手判案無畱牘少間卽取舊詩芟改劇心鏤腎丙  
夜就枕或有所得必呼僮秉燭筆之循諷無憾然後卽  
安時余方來獻省侍見苦思過當間以老氏保嗇之言

問山詩集 後序  
進兄輒夸然曰吾自樂此豈知疲乎粵入郎署雖曹務  
鞅掌而百家之典手不停披其於帝居山川之秀異宮  
觀城闕甲第之瑋麗與夫搢紳先生名流碩彥之酬酢  
贈荅莫不於詩乎發之故其著述益富而篇什寔廣然  
猶不肯問世一字未得寧割全章一句未安頓易前韻  
卽余間有酬和批引商榷臨餐或至廢箸其於風雅臭  
味真如阮公之屐武子之馬不知此外尚有嗜好今秋  
督河役竣守銓之暇始自擇數百十首就王貽上侍讀  
施尚白侍講論定付梓夫晉弓方奏匠心誰辨其三年  
左賦未傳構思幾畧其十載余旣適在家庭因卽目擊

而心喻者備敘之如此然則雁水兄之詩殆性與學相  
半者乎杜少陵云詩是吾家事卽以問山一集爲溯源  
於三陵平圃也可若夫天台金石定聲價於榮期康樂  
芙蓉藉品題於明遠則諸先生之評與序具在余何敢  
阿其所好

康熙歲次庚申端月弟焯韜汝拜手謹識於金臺寓舍

問山詩集自序

昔安仁托賦於閒居文通屬思於雜體豈僅抽素含毫  
鋪揚風雅亦先辭見志聊申作者之意云爾余雅耽聲  
韻窮鑽未涉藩籬其於詩之工拙蓋難言之然聞詩道  
性情者也性情之所發佛者不可使愉忻者不可使戚  
故江潭憔悴必無廣大之音廊廟清和自鮮煩囂之調  
則情以事遷其大較矣曩滯魯陽其時身之所履日之  
所遇非麋鹿木石與居則畸士田夫與處惟有戶外青  
山差堪共語因成問山一帙率多幽憂無聊之詞雖稍  
戾和平而亦不忍自閤者蓋怨誹言傷聖人所不禁也

問山詩集 自序  
暨調獻陵地當畿南之衝水旱相仍日從事於簿書徵  
發而虎旅皇華復時勤奔命亦何暇摧揚作洛生之詠  
哉入都以來獲理舊業時遭昌穆正

聖天子問夜求衣之會瀛臺南苑輒思獻頌茂陵泰時竊  
擬徵歌雖謙讓未遑然二三好友擁節鳴騶送客懷人  
則又感慨係之矣歷時既久篇帙散亂以眎昔年所作  
聲情大不相類今春移病之暇稍自編次適王阮亭先  
生過訪出就繩削先生曰吾今乃得讀子之全詩也何  
向善闕豈以世無嗣宗乎余謝弁鄙且告以故先生曰  
是奚足哉今夫一人之身一日之感窮達殊遭旦暮異

致樂則鐘鼓言歡哀則展轉寄愴先王之詩教大抵如  
是必謂異曲者不必同工是仲武不必振響於西川而  
少陵無俟摠情於夔府也子之志若抑然有以自下者  
吾又何敢以今日而定子之詩余旣感王先生言因刪  
闕茸而述數語于前顏以問山仍舊志也

康熙丙辰三月望日丁焯澹汝識

問山詩集目次

卷一 古樂府

君子行

怨歌行

猛虎行

棄婦篇

鰥鰵篇

門有車馬客行

休洗紅 二首

結客少年場行

長別離

讀曲歌 三首

淶水曲

少年子

紫驢馬

折楊柳

銅雀妓

關山月

出塞

愛妾換馬

採蓮曲 四首

東飛伯勞歌

從軍五更轉

楊白花

卷二

五言古

詠史

八首

擬西北有高樓

擬涉江採芙蓉

擬明月皎夜光

擬迢迢牽牛星

雜詩

六首

遊仙詩

鬪雞

夏日訪王九青侍讀



玉泉次貽上韻

遊卧佛寺次貽上韻

三月十一日同李奉倩給諫汪竹岩比部桑雨嵐  
郭魯瞻陶槎儔儀部房慎菴同官東郊祖餞邵  
瞻兩學使兼泛舟遊佟家園言歸有詩

懷馮訥生

阮疇生遊盤山回過訪齋頭因談登覽之勝作詩

紀贈

懷王貽上使蜀

偶成

大中丞宋先生屬覓名山藏家中舊有藏本適寄  
至賦詩侑呈

秋日徐庶常過訪潞署賦贈

東汪茗文

思南郡守陳轉菴母舅服闋赴銓賜臨潞署深宵  
歷敘故鄉亂離之苦忻慨交至賦此奉呈

訪林蜚伯新移寓齋

秋日余佷廬給諫招集寓齋賦贈

施尚白點定拙集聞體中少違作此奉訊

奉送陳轉菴母舅出守江寧

二首

仲春同黃鶴巖紀孟起孟枚仙衛枚吉過房慎菴

齋頭觀書畫圖章

送張一衡遊五臺

鄭遠公投示西山紀遊詩賦贈

聞魏惟度續石倉詩選有寄

戒驛

撤樓

述哀詩

遊窰石山詩有序

訪歐陽行周修禊亭舊址

聞機杵聲有作

書感

散步

秋夜彈琴

留別汝州任木生

哭陳駿汝表兄

晨起

叢桂篇東黃用錫

熱嘆

東林寺小憩

詠庭蕉和牧仲用松陵集新竹韻

夏日阮疇生過集芥均

過雩都峽口

舟下十八灘和牧仲用林蜚伯遊南華寺韻

西園易亭詩

有序

魏冰叔徵君輓詩

贈魏和公

月夜舟泊

癸亥孟春同

殿工使者洪學士閱木袁陽于文侯郡守邀遊化成巖

次施尚白留題原韻

鄱陽湖

守風長嶺尋廻峰禪院少憇贈梅上人

二首

忘歸巖次王文成公韻

念彌熾矣王支叔公贈

半風身豈薄既袖麻河之塘似林土人

謝恩賜

卷三 七言古

十六 從軍行

征婦怨

乙卯秋洪畏軒奉常招集 賜莊金魚池次和原

韻 詞賦樂韻

張南溟給諫自書觀王右軍樂毅論真蹟歌見贈

立賦謝 二日雨霖小野芥木鼓興

沈石田山水歌 五南

嶺南歌送王仲錫觀察

戈育仲侍御茶馬復 命贈余蘭州淳化帖作歌

以答其意  
贈許實夫

送邵瞻兩視學江南

立秋後二日雨霽小理花木漫興

慈仁寺僧房看西府海棠花同沈康臣用東坡定

惠院海棠韻

送程翼仲之江南學使幕

何雲子觀察將之閩中適頒至今

上六年所馳

恩命喜遂先榮索賦題贈

五月朔日同官衛枚吉歸里省覲詩以送之

己未正月廿一日潞河喜雪用歐陽公聚星堂韻

陳門張氏若觀節烈歌

初秋龔瞻蓼莊素思富韜上過訪金魚池寓園同

李瞻航郭舒霞陳轉菴母舅留酌用施愚山金

魚池歌韻

次和田子綸移居

次韻酬林澹亭十月初雪過訪寓齋兼懷修來幼

華千仞之作

荔枝曲

冬夜聽美人隔幃彈琴

望太華美人圖詩

夏雨嘆

過灤谿懷元次山

月下獨酌

哀馬行

有序

汝石歌

庭中秋海棠溽暑餘蒸將次就萎偶深宵微雨粲

然復妍喜而有詩

柘浦山行時烽烟初靖夜宿漁梁淒涼達旦歌以

紀之

觀射行

鸚鵡

小孤山次宋牧仲韻

鬱孤臺歌次宋牧仲韻

辛酉除夕同伯兄素汝弟獻汝韜汝使院守歲漫

為長句

舟過彭蠡望匡廬和牧仲用蜚伯遊懸空寺韻

大孤山

癸亥仲秋吳菌次粵舟將發招同緯雲目天彤本

韜汝讌集曾波閣話別即此賦送

解心誠來會如園清眼明此知哉

空之竹林與商大具快沫發併同轉雲日天派木

人

食機道論空河熱味外以甚明

飲其口

辛酉制文同節只素以策想對諱

鬱香凝水宋外竹脂

小派

想

想

卷四

五言律

瀛臺啓事

二首

西苑

早春同宋荔裳沈康臣遊會香亭次大宗伯王公

留題原韻

二首

二月移寓梁家園

上巳過訪宋荔裳寓齋留飲

送林穆之雲中訪弟

四首

春日李厚菴過訪

初夏宋荔裳招集梁家園別業

香山寺月夜

由磴道上洪光寺

碧雲寺次王貽上韻

晚望翠微寺

春事

卧病酬和林蜚伯見訊之作二首

秋後苦雨黃褐公詩示次答

送劉介菴請告終養歸里

癸丑除夕雜感同韜汝弟作六首

甲寅上巳沈康臣過集

懷劉介菴

遣舍弟焯展視祖墓兼攜小女于歸

三月許于王招同鄭山公高紫虹曾二改小集許

中丞園亭兼懷鄭鞠思肇修

施愚山招同林澹亭舍弟韜汝讌別次愚山韻

乙卯十二月懷王仲錫

送唐習之遊金陵

舍弟獻汝寓南昌經年奇疾已愈書至誌喜

闕河次楊村舟曉

晚出東便門返潞河同家次蘭



春暮自潞河入都寓金魚池和巖夫侍御過訪  
道經順義縣至牛欄山宿

林穆之寄櫬潞河給孤寺詩以奠之二首

聞信

次答王貽上見懷時聞漳泉之捷

俯鑑臺晚眺

丁巳六月廿九日得素汝伯兄家報誌喜二首

葉慕廬過訪潞署贈詩次答二首

荔枝

龍眼

菩提

黃柑

柚

甘蔗

貽上曉過金魚池寓園見訪不遇有作次答

重遊天寧寺二首

豐臺看芍藥

贈阮疇生四首

舟中買蘭限韻示舍弟韜汝兒皆爵

元夕余浣公侍御招同薛梁公觀察遲順之運使

集長蘆巖署看烟火

詠蟹限韻同黃用錫

章澹公郡丞贈詩次答

花朝同劉介菴遲默生蔣晉侯葉丙霞集鄧元固

齋頭出家姬作劇

初夏李召林招同史鴻公洪畏軒諸公飲西河酒樓

秋日同劉淑甫程周量葉丙霞泛舟玉河觀蓮和

周量韻

贈黃辛子少尹

二首

九日同王仲錫對菊

二首

伯兄素汝旋里

過夏內侍園遇碧松上人賦贈

悼亡兒廣明詩

一首

夜夢對鏡徑是老僧面目醒後聊成一偈

二月望日洪畏軒招同夏鹵均謝呂璜黃原虛曾

子允謝亶芳周聞仲彭鄩侯金魚池 賜庄讌

集

二首

臘月至都王耻古過訪

一首

封臺春望

問山詩集 目錄  
寒食東郊卽事

奉懷雨航叔

夢先塋

商家林聞鶯有感

恭謁 聖廟用林貞肅公韻

夫子手植檜次施愚山韻

子貢植楷次施愚山韻

登露山

魯署雜感 四首

病中送秋

舍弟獻汝自家至

留別伊陽孫丹扶明府

燕

過熊背嶺

劉爾三司李左遷自汴入都約赴汝墳相會

中夜署垣傾壓卧榻余適先起倖免

送王仲錫之定州守任 二首

單懷興隆寺遇楊臣至

關中旅歎 二首

宿泥陽

自慶陽往關邊城

過信陽恨這關

雨泊

憶家

久客

聞李熊生補漳州教授歸里

春晴訪李少文靜得堂

送馮寶初聞母訃歸里

元日試筆

送謝亶芳之秣陵

舟泊天津

曉渡揚子江

泊瓜州得家信作

潤州有懷

遊虎丘寺和楊淡公先生韻

恭侍大將軍簡親藩江干行幕次鄂學士韻

軍中秋夜

夜泊雙溪口

泊水口縱步小武當山

紀別

二首

開山詩集  
秋夜聞蛩

月夜聽許儀卿彈琴

七月十八夜

聞箏

春日訪李茂才南河庄居

歐陽石室

巢雲巖

過磨盤嶺至大柳驛宿同舍弟韜汝分得懸字

曉發大柳驛登關山嶺同韜汝分得殊字

魏冰叔處士就醫金陵晤次賦贈

文筆峯次黃用錫韻

舟過石人壩

秋日和牧仲用李義山韻

聞蟬次牧仲韻

辛酉春暮過集權署亦蘇堂懷葉丙霞宋牧仲即

用牧仲集茲堂韻

雨發萬安

春日同查王望泊舟大洲

泰和避風用宋牧仲野泊韻

亮口舟中苦熱

舟雨

行部至大庾

宿小溪驛敬步  
先祖父大司寇公良鄉夜宿韻

篋園襍詠

六首

晚泊散步田家次韜汝韻

夜至樟樹鎮次韜汝韻

遊化成巖次施尚白原韻

二首

送洪學士過湖口鱗魚嘴話別兼贈吳比部

初秋吳觀莊過訪篋園即邀蘭次日天彤本暨舍

弟韜汝讌集分得蘿尊二字

二首

奉陪王貽上登八境臺次元韻

二首

王貽上過篋園次和元韻

次和王貽上泊攸鎮見懷之作

初秋鮑讓侯過訪蘭藻堂

二首

中秋夜雨闌中即事和張壺陽大中丞韻

二首

雨夜有懷次壺陽中丞韻

十首

次韻答徐電發太史見贈

四首

戊辰十月武昌亂後晤遲默生次韻賦荅兼以誌

別



太皇太后回宮駐驛潞河迎  
駕恭紀  
奉寄陳轉菴母舅時由黔郡丞擢守思南  
丙辰元日喜雪  
薊門咏懷古跡和林蜚伯作

卷五 七言律

駕上陵回恭紀

冬至陪祀郊壇

長至後

上自溫泉奉

太皇太后回宮駐驛潞河迎

駕恭紀

奉寄陳轉菴母舅時由黔郡丞擢守思南

丙辰元日喜雪

薊門咏懷古跡和林蜚伯作

八首

送程伊人赴雲中幕兼東何克東總戎

憶家園梅花

詠水仙花分得銜字

立秋前一日東黃御遠孝廉次計甫草韻

曉起至五華寺尋水盡頭次貽上韻

石景山

松江田髯淵寄詩次答

梁大司徒奉命使粵回

朝敬贈 四首

九月十五夜懷李厚菴

書甲寅臘月事

上王大宗伯 三首

乙卯五日同林蜚伯蔡玉汝林石來集楊大山寓

齋卽席次蜚伯韻

贈李容齋學士 二首

寄懷趙山子

夏日王大司馬招同陶槎儔讌集怡園賦呈

丙辰六月六日赴通惠河任道上有紀

姚濮陽給諫省兄丹徒令回過訪潞署留飲兼懷

王仲錫粵臬

浚治潞河用陸澹園先輩壁間韻



初秋同諸西侯張寰六民部闡梅公水部羅周師

郡丞諸公陪嚴少司農讌集大樹堂 二首

重陽同勒賽二郎中戴沙二員外諸公登石壩樓

霍晉生觀察携樽小飲時傳次日

聖駕將幸遵化溫泉至此駐蹕

西洋國貢師子恭紀次富少宗伯韻

寄懷薛梁公江南臬使

送洛澹大兄給諫典試兩瀾

東金萬涵權部

長安雜興 八首

拜李卓吾墓

陳節母詩

董蒼水來都投詩次韻走答 二首

潞署七夕有懷和舍弟韜汝作

喜蔡穉力內弟至

送何信周歸里

富少宗伯奉使諭祭忠勇王便道還里奉贈 二

律 二首

送龔介岑方伯之任金陵

東余佺廬 二首

過大通橋署有懷田子綸

送葉丙霞視學三秦

方伯景行大兄駐節姑蘇丁巳冬見峇爵南歸道  
經趨省慈愛深至兼荷示問賦此寄謝

東張梅菴

春泛

送朱錫鬯之秣陵

九日登潞河城樓次韜汝弟韻

和毛煥文遊東牟見貽之作

贈徐健菴贊善

一首

對菊同許徵若蔡穉力韜汝弟作

重陽後菊花爛熳將殘

送林公韞扶尊甫穆之靈襯歸里

房季子輓詩

有序

仲夏寓洪太常池庄有感用兒峇爵原韻呈陳轉

菴菴母舅

聞簫同阮疇生鄭遠公韜汝弟分得三肴

送鄧元固民部假歸東昌

寄懷黃天馭觀察

一首

送陳鶴屏舍人請給省覲

朱人菴罷官馬邑寄寓棗強有詩見東闕報久之

重晤都門賦答

答勞書升督學山左

趙山子將歸以詩索近稿兼贈畫扇次答

黃用錫至天津贈詩次答

督漕河西偕黃用錫韜汝弟舟行分韻

初秋同章澹公黃用錫舍弟韜汝小集津頭別業

次用錫韻

黃用錫將之太原臨發雨阻次和

將返都門張蔚生參軍張雪子參戎泛舟相送各

賦詩見贈率和留別

辛丑二月栢鄉魏師相予告歸里時余權役未回

不及與祖青門荷寄讀彙刻諸公贈別詩悵然

瞻懷

贈吳耕方太史

許生洲公子年十四賦雙松詩次韻贈之

送李厚菴太史省覲

元日卽事次上官三立大廷尉韻

送何觀察之任

輓王誕登處士

二首

許節母詩

次和黃褐公五日懷友

送姚高陽之任丹徒立大我操贈

薊鎮有感

薊州道中遇雪同伯兄素汝書大贈觀之

獻陵懷古

仲夏雨後過劉處士齋頭留酌

送黎觀予還楚次左念源大銀臺韻

行縣至東郊過獻王陵

雪後過景城

道經趙北口

雨霽望泰嶽

曲阜紀事用李文正公韻

鄴都懷古

汴梁懷古

朱仙鎮謁岳武穆祠敬步 先祖父大司寇公原

韻

重陽前三日登元紫芝琴臺

中秋夜宴歸有感

遊雲夢山

洛陽道紀事同王仲錫

隨德元招同王仲錫余未也王石航孫丹扶飲吳

雷氏園亭

阮節菴明府招遊少林寺

清明有感 二首

酬黃用錫見訊

壬寅除夕作

憶同學楊伯欽伯招李翰卿陳臣汝諸子兄千汝

素汝弟韜汝

寄懷洪畏軒儀部

癸卯三月生日

別琴臺

河內史公一沈禹錫箕陳張乾雅明雅過鏡塔寺

餞別

東寧州守呂霖侯

謁軒轅廟

都門將之魯陽留別陳轉菴母舅兼送入黔赴行

軍司馬之任

臘月十五夜書懷

長安對雪用東坡韻

二首

哀范佩蘭山人 有序

望江郎石同蔡穉力舍弟韜汝作

乙未二月王師過仙霞嶺

戎行紀事呈鄂麟閣學士

船下建溪

劍津晚泊

贈黃維讓鴻臚

謝節母詩為秀才超宗贈

訪王嵩用學博

賦得暗水流花徑若木六叔命和

奉寄楊可庇先生濯纓湖隱居

見春郊走馬有作

遊彌陀巖用葉文忠公壁間韻

登齊雲巖分得阿字

送鄧元固權使蕪湖

金陵懷古同舍弟韜汝分得鴻字

金陵送王四及歸宣城同韜汝得歌字

皖城登迎江寺塔用壁間韻

登潯陽鎖江樓次韜汝韻

登滕王閣

佛桑次牧仲韻

山呼次牧仲韻

憶昔

病起示舍弟韜汝

南康阻淺用許丁卯韻

使院夜坐

辛酉九月舟過吉安重晤陳子帥參軍

奉懷張壺陽台州觀察

寧都晤魏和公處士

石城示諸父老

新淦舟行

夏盡夜泊鎖口洲

送于畏之歸樵李卽次泰巖中丞大兄送別來虔

原韻

寄懷泰巖大兄用前韻

虔署桂花木芙蓉盛開讀壁間漢甫中丞二律聲

情並擅香艷絕倫因踵和原韻體物未工殊愧

前輩風流也

二首

癸亥花朝同洪學士醮集張澹明方伯使院舟回

賦謝兼以誌懷

二首

舟泊吳城登望湖亭次舍弟韜汝韻

青山頭舟中苦雨遣悶次韜汝韻

舟回至南康盡米湖避風信宿即景感賦次舍弟

韜汝韻

寒食維舟同舍弟韜汝小步張吳渡作二首

吳蘭次將之嶺表訪留村制府舟過虔江賦贈次

魯文淵韻

癸亥初秋邀同吳蘭次錢目天吳彤本龔衛公舍

弟韜汝通天巖即席分得雲依二字二首

次韻走答吳蘭次見東之作二首

初秋吳蘭次陳緯雲錢目天吳彤本龔衛公舍弟

韜汝集篋園分得舟字

秋日邀吳蘭次吳觀莊陳緯雲龔衛公錢目天吳

彤本舍弟韜汝集八境臺分得灰歌二韻二首

秋日蘭次觀莊招同緯雲子韶目天舍弟韜汝集

曾波閣待月分得陽尤二韻二首

秋日鮑子韶招蘭次觀莊緯雲目天彤本舍弟韜

汝集蓮社菴即送觀莊遊粵是日蘭次先歸席

中分得真侵二韻二首

送吳彤本隨尊甫蘭次遊粵



送錢目天遊粵

贈丁子肩

癸亥冬楚雲上人過訪虔署賦贈兼送還山

癸亥冬聞阮疇生祝髮入山悵然有感甲子春入

都過晤賦贈

甲子三月十八日恭逢

皇上萬壽直省守巡諸道臣賚捧

表章慶賀臣

煒

得隨鵷班九叩三呼

萬歲恭紀

二首

范節母詩

甲子三月賚捧事竣出都邵子湘賦詩贈別次答

二首

次和王貽上同謁文成公祠堂

金棟存大中丞乙丑季秋重修三山共學書院作

詩示勉多士次韻奉和

四首

贈送沈馨聞東歸兼懷家泰巖兄次留別元韻

送沈似之遊粵

乙丑重陽張澹明招同孫潔躬查王望遲默生鮑

麟遇周柱峯李敬菴讌集江天閣同得陽字

秋日洪都野眺次張澹明韻

重陽後三日鮑麟遇招同張澹明查王望遲默生

高九龍李敬菴集四宜亭賦謝

贈別山陰周嵩渚

留別南昌謝郡丞

赴楚別湖口權使尹子登侍讀

丁卯二月登黃鶴樓呈葉丙霞 二首

丁卯夏日奉邀大叅鄧偶樵先生方伯徐卽山觀

察龔千谷讌集蘭藻堂次偶樵先生韻 二首

寄懷張澹明方伯

丁卯中秋前三夕同胡絹菴方伯成仲謙少叅龔

千谷僉事奉陪張壺陽大中丞監試賦呈 二首

中秋夜闈中聽雨次壺陽中丞韻 二首

闈中中秋次夜得月次韻

闈中十六夜記異次韻

闈中十八夜月次韻

闈中喜晴次韻

闈事竣志喜次韻 二首

襍興次韻 四首

登晴川閣

初夏錢映斗招同徐子星胡絹菴遊洪山寺

戊辰中秋前二日李素園招同胡芝山蔡龍文讌  
集

過洞庭湖

過湘陰弔屈原

賈誼宅

長沙拜蔡江門先生祠

巳巳季春楚雲和尚招遊攝山同登五臺閣兼懷

大中丞于公

送楚雲和尚遊燕兼之五臺

卷六 五言排律

重陽後一日恭迎

聖駕侍

太皇太后駐蹕平家澶較獵次日臨幸遵化溫泉

恭謁 聖林紀事

上魏總憲四十韻

遊馮相國萬柳堂

浴象

贈沈繹堂宮詹學士四十韻

通惠河汎舟

奉懷荆南大叅鄧偶樵先生

送孫子立太史請給省觀

謁嵩嶽

哭大中丞松江宋先生三十八韻

送程職方出守桂林

遊西湖至靈隱寺作

奉懷吳留村兩粵制府

奉贈汪涵齋掌科馮大木內翰主試楚闈二十韻

奉贈偏沅興子延大中丞三十韻

卷七

七言排律

南苑大閱恭紀次法黃石方伯韻

除夕前三日宋大司馬招同史省齋叅議張式似

郡守讌集呈謝

湘守集卷五

卷八

卷八 五言絕

古意

望遠曲

吳宮怨

明妃怨

偶題小齋

盧師山

秘魔厓

龍潭

酒中八君詠 八首

俠客 八首 病八首

老馬

夜坐

漢口別友 二首

應山曉行 二首

道經確山縣

村居 六首

田間雜興

曉發小密至瑞金縣作 六首

湖口縣次舍弟韜汝韻 四首

登普度閣雨望次韜汝韻 四首

卷九 六言絕

雜感 六首

怡亭

山居四時 四首

谿東閒步 二首

卷十 七言系

贈別馮寶初歸雲間 四首

壬子長安燈夕 八首

西湖雜詠次王貽上韻 六首

李梅崖齋中春海棠秋日復花詩以贈之 二首

季夏俯鑑軒閒坐率詠

潞署二鶴聞擊雲板則長鳴對舞愛而有感因成

哭三絕 二首

里兒泗竹枝詞 五首

示和小女報珠越中却寄之作 二首



津門有感 辭凝賦中 味寄之外 一首

過馮氏思園 歸 五首

哭亡女 有序 六首

秋閨 二篇 同舉雲外 眼是即 樓臺變而 存想因 賦

秋山 雨盡 神閑 坐率 稿

秋月 望微中 春或棠 殊日 影芬 稿以 賦之 二首

秋雲 辭凝 賦中 王韻 上 歸 六首

秋燕 八首

秋蟬 四首

秋笛

秋砧

邠州聞歌 辭凝 賦中 王韻 上 歸 二首

慶陽道中遇雪 辭凝 賦中 王韻 上 歸 八首

魯陽別王嵩角 四首

武昌渡江 二首

題便面上畫竹有贈

流螢 賦中

廣寧門曉發

宿張夏次壁間韻

舟過淮安口占

虞姬墓

二首

維陽秋泊

登閣題

梅溪偶作

永安道中

雨中觀釣

西竹林觀

題吳蘭次愛山修禊圖

二首

秦淮竹枝詞次舍弟韜汝韻

四首

次韻登東坡八境臺禱詠

八首

魏和公以檳楂山界見餉口占寄謝

二首

白梅

紅梅

蠟梅

青蓮同次尚白韻

春暮舟次南康阻風累日因憶虔署甕園花時正

好不及讌賞感賦絕句

四首

舟回至吳城作次舍弟韜汝韻

舟行見岸上殘花有感次韜汝韻

曉起見遊蜂入舟戲題絕句次韜汝韻

次和王貽上同謁王文成公祠堂

題徐電發南州草堂詩集次馮大木韻

大略王韻士同國王文叔公師堂

謝馮良...

代許良...

世國至...

我不...

春暮...

青...

...

問山詩集

晉江丁 焯澹汝撰

濟南王士禎貽上

宣城施閏章尚白 選

古樂府

山中君子行

君子慎所履矩步盛趨蹌整冠乃見客攝衣始升堂君子慎出話有言必有章好言如春温莠言似秋霜謙謙君子德肅肅慎所將慈儉以為寶剛戾反致殃非夷亦非惠時哉任行藏屋漏苟無愧未然而不須防

施尚白曰  
亮節古音

怨歌行

送君河梁去別意常惻惻人生非賢聖誰能免過失高  
堂豈不慈酸辛在堂下竭力事饗殮小姑猶未嫁鬱鬱  
山中松歷歷原上草草色自經春松心歲寒好阿姊幼  
相憐出門無來往君子重別嫌妾行非鹵莽瀝血磨霜  
刀欲截青絲髮髮短妾心長君懷易斷絕

王貽上曰三緯相  
錯深得古樂府意

猛虎行

山南猛虎正負嵎山北行路斷樵蘇少年射牛不射虎

夜夜田間穀弓弩耕牛漸少虎漸多村中父老奈爾何

施尚白曰急響哀弦

王貽上曰文昌文潛二張之間

棄婦篇

棄置難自保不如路傍草結髮歲云深命薄已成今誰  
謂妾無色愛憎生反側誰謂妾無裳不御忘溫涼君心  
不可測胡為讒者惑寥落遺此身慚愧問新人妾情無  
今昔願君剖肝膈

鰕鮒篇

鰕鮒本微質托足在汙池東風桃花浪吹送東海濱鰕  
鮒見東海浩浩無津涯聚族窮智力跳躍安可施茫然

始自悔窮大失所歸寄語螺與蚌閉戶守樞機

施尚白日與枯魚過河泣比肩

門有車馬客行

門有車馬客黯黯風塵色問客所從來三年離鄉邑故鄉夫如何欲語先太息高門化為塵喬木摧為薪道傍冠蓋子海邊捕魚民勸客且飲酒盤中何所有園柑三寸許河鯉三尺餘慎勿烹鯉魚恐有腹中書

王貽上曰口齒是東漢人語

休洗紅

休洗紅洗多顏色減不惜機上絲但惜良工染良工染

絲莫染紅猩猩被縛啼林東

王貽上曰意別

又

休洗紅洗多顏色變得免素絲悲與君長相見聞君水田過百弓不種桑麻種紅茜

結客少年場行

結交須結遊俠子許身一旦為君死結交莫結鄉里兒負恩不報反遭欺少年場中喜結客散盡黃金終不惜一朝勢利盛風波不信人心長反側高堂客去君莫嗔市上或有屠沽人

王貽上曰有  
慨其言之

長別離

鬱鬱千仞松離離女蘿草念君有遠行出門事征討關  
河阻且深何以慰綦綰含情久踟躕所思在借老丈夫  
志成名遑計歸期早仰視天上月隨君萬里道孤輝照  
妾心感結傷懷抱努力愛景光相期金石保

施尚白日音  
情全是古人

讀曲歌

贈歡縑歡猶嫌不恨縑絲薄恨不織鸚鵡

又

欲繡雙芙蓉為歡襯錦衾見蓮不開篋何處見儂鍼

又

三更歡始來五更歡復去冬青也自長不夠兩頭鋸

淶水曲

拍岸春水生隔船人如玉慊慊各自持欲語重矜束流  
豔動清漪揚袂香斷續倚棹看鴛鴦微吟懊儂曲

少年子

紫陌長安道春風事冶遊千金酬趙璧一笑脫吳鉤挾  
彈過芳苑鳴箏坐翠樓上林傳羽獵列隊出皇州

紫驪馬

寶劍珊瑚鈎青絲鞵紫驢浮雲籥絕域落日過長楸俠  
客誇金埒佳人上玉樓鳴鞭花下去佇立爲誰畱

折楊柳

綠楊三月時歷亂各成絲歲歲供攀折行行贈別離新  
鶯惟有恨舊曲只相思飛絮原無定東風且莫吹

施尚白日曰淡而怨  
王貽上曰有姿制

銅雀妓

歌舞如平昔香殘曉夜燈漳河自東去妾望盡西陵

施尚

白日自  
然傷心瓦冷銅臺月牀空玉簟冰綺羅長不御魂夢若  
爲憑

關山月

良秋三五夜月色滿關山祇照勞人苦爭教思婦閒離  
情傳笛吹素影學弓彎斜向邊城落深閨夢裏還

出塞

慘淡邊聲起驚沙向夕飛猶傳鬪兵合未許解重圍赤  
氣隨金鏃黃雲上鐵衣荷戈成白首擁節幾人歸

王貽上曰  
老氣無敵

愛妾換馬

豈爲功名切真成薄倖悲玉釵輕駿骨金絡重蛾眉躩  
蹠初來意纏綿去後思空羣與傾國最恨是同時

王昭上  
日結妙

採蓮曲

朝隨採蓮去暮逐採蓮歸但憐花並蒂莫愁水濕衣

又

暗香若有情一任微風送願言將遠心吹去遶歡夢

又

采采復相嬉繫船湖邊柳花枝拂儂面花刺傷儂手

又

薄言遺所思聊把芳馨折常恐秋風生坐使朱顏歇

東飛伯勞歌

前飛鶉鳩後烏鵲翡翠屏開烟漠漠女郎二八彈箜篌  
當牕理曲不知愁斜墮雲鬟佯不整博山霧散沉灰冷  
東家宋玉謾窺牆阿母許嫁郭門王

施尚白日似

昌谷樂府

從軍五更轉

一更新月明風露滿邊城軍中聞號令人馬斷行聲二  
更列宿稀候鴈正南飛邊風嚴次骨誰復寄寒衣三更  
夜色沉四野盡秋陰枕戈長待旦烈士暮年心四更天  
漢低霜氣重淒淒參差聞擊柝城上復烏啼五更戍角  
哀捲甲下烽臺前鋒先破敵共唱凱歌回



楊白花

楊白花。飛來飛去落誰家。春風不住花無力。吹入西園無舊識。昨夜東墻桃李枝。暗中相別未相知。還借東風頻寄語。相憶長如未別時。

王貽上曰余最不喜今人作樂府非謂樂府不可作正惡今人樂府無寄託也凡有寄託卽元白張王皆古樂府之苗裔余獨喜雁水先生樂府者以此也

五言古

詠史

桓公柄諸侯周疆賴以廓葵丘一振矜畔者乃九國何為業垂成爲德使人薄大矣皇王功萬物同所托

孟嘗昔好士賓客冠諸侯結納旣云廣感恩自有由以義報君家功與管甯侷縱橫事已遠此道亦悠悠養士不適用空知爲身謀

王貽上曰不說壞戰國亦大有見

又

季子擁金貂張儀席藁薦貧賤志氣卑富貴交情見一  
激成大功終當愧顏面先施用權謀何如忠告善策士  
尚縱橫達人觀世變

又

倉鼠有餘糧李斯發浩歎逐客歛見親功名非不爛結  
綬相羸秦詩書乃變亂緬彼沙丘行國鈞倚獨斷立亥  
易初心黨闡豈長算恬毅功竝摧亡秦從此判法網既  
匪疎天刑詎可追悲哉上東門黃犬空遺憾

又

漢武志求賢公車競交薦作賦來相如談諧進曼倩煌

煌廣川儒賢良策尤善道德姚姒窺源流洙泗衍理實  
貫天人學豈獨災變苦無希世資江都獨遭譴置彼下  
帷功曲學乃成眷三復繁露篇精深翼麟傳

王貽上曰經術  
之言古風之格

又

伏波遇漢光功名標絕塞臨老尚據鞍不忘烈士槩坎  
坎武溪深毒雲愁靄鬱惹苴托輕身文犀詢盈載奇禍  
中梁松貽書空垂誠藁葬得還鄉故交朱勃在雲臺竟  
掩勲椒房徒寵賚

王貽上曰漢代世有女禍獨馬伏波及馮子明竇  
游平最賢而或不與功臣之列或絀于王氏或死

于宦官天道其可知  
耶誦此爲三歎息

又

炎祚屆將衰羣賢沸鼎足吾獨愛德操逃名棲礪曲借  
隱龐德公忘形超世俗公子枉車騎田奴甘污瀆養晦  
道彌貞辭榮身不辱瑩瑩水鑑姿名士多品目翊漢薦  
卧龍推轂定西蜀

王貽上曰  
直而老

又

龍性多變化誰云不可馴因時爲潛見進退自有神施  
白日大惜哉稽中散好道喪其真守雌違老氏且哲遜尚  
儒之言

詩人知愧孫登晚才多竟累身悠悠竹林下千載同悲  
辛

王貽上曰卽本遠漸  
柳下近愧孫登之旨

擬西北有高樓

高樓倚雲端美人結瑤室日晏不成粧却坐理清瑟絃  
急聲何悲迴風慘白日不知樓外人流盼當軒疾未審  
曲中音徒矜塵外質玉貌有時緇知音那可得遲暮多  
感傷煩紆獨反側

擬涉江採芙蓉

漢江何渺渺朝露何溶溶綠蘋與芳杜錯雜見芙蓉愛

問山詩集 卷二  
彼灼灼姿采采亂殷紅  
鵲鵲相對出翡翠翔西東  
所歡不可見  
初佩與誰同

擬明月皎夜光

寒風淒北戶清礎罷迴廊  
明月照我牖皎焉生輝光  
懷人惴長夜攬衣坐空房  
良朋昔遊宦燕粵成參商  
豈無貂襜褕道遠不得將  
感此歲寒節嘆息徒徬徨  
願言懷好音素心永難忘

施尚白日似

古人柔澹處

擬迢迢牽牛星

牽牛眷西顧織女在其東  
豈繫川無梁歛使銀河通  
帝

命不可又經年各異蹤  
歎彼遠遊子星期已十終  
秋霜被樊圃蘭蕙成飛蓬  
金膏徒自耀綠鬢爲誰容  
懷憂不能寐起坐聽哀鴻

雜詩

天地有大尊量人酌所受  
達者飲其間無營亦無咎  
取醉非有餘獨醒伊則否  
忘機飽天和冥情躋上壽  
如何沉酒者不啻挹以斗  
試問果腹餘所需竟何有  
以茲感物情占爻得盈缶

又

野人設檻蹄縛虎如縛鼠  
方其見縛時剖腹有肥豨  
殺

身先後間相看何爾汝不見雲間龍天矯自遐舉神變  
既無方飛潛恣所處歛跡視危機債軫在平楚

王貽上曰少陵鷄蟲之旨

又

時雨滿四澤農夫喜萬寶爰有行路人憂思怒如擣豈  
不念怨咨黃茂得堅好倘失齊物心天道亦草草傷哉  
夸毗子憂喜自顛倒元化等虛舟抱蜀以自考

又

中庭桃李花春來何灼灼谷風中夜起零亂相迴薄卑  
者溷沙塵高者入轡幕既已謝本根安能擇所托季孟

自尊榮回憲終窮約貴賤在修爲斯理得無錯

又

梓漆本無心橫來見剗割致用非不榮生理苦已撥壽  
哉樗櫟姿百年自萌蘖有材貴嘉名無材安苟活慎勿  
兩躊躇書空徒咄咄

又

上古結繩代其風何沕穆迨及書契興奸宄潛竄伏五  
刑濫秦觴六官脂莽輓王貽上曰造句精刻民命日迫遭咨嗟罪  
案牘吾欲愬蒼頡帝閻難匍匐願倚崆峒劍罄斬南山  
竹簡策既芟夸有鬼不夜哭

遊仙詩

大道如玄珠下士不知寶蹉跎悞年華坐使朱顏老側  
聞園丘山其上多靈草中有采真人服食長壽考驂鸞  
窮八荒駕虹遊三島愧乏凌風姿聳身侍縹緲默坐檢  
丹經鍊形窺窈窕谷神中夜存遐齡庶永保

鬪雞

六合久洗兵羣公安爾位太平有餘歡請作鬪雞戲曾  
得紀渚方參養遠羅致赤憤羽翼齊金骸紫距利邁彼  
荆蜀姿巍然三尺峙逞身向場中凡雞爭走避大敵當  
其前養全廢疾視奮啄落纖毛揮拳折巨翅角觜百餘

周追奔窮所際上客袖黃金藉茲觀成敗叶百萬歛已  
空含情但一悸主人羅珍饈稱觴賀得意迴樽酬衆賓  
出門皆盡醉昔聞田饒言茲禽五德備如何季郈間禍  
端起微細壯士冠雄冠母忘仁勇志聖主歌大風玉雞  
獻奇瑞

王賂上曰此  
篇近似杜公

夏日訪王九青侍讀

仲夏天氣蒸羲暉正卓午何處避炎歊迴車過南杜謾  
謾子淵居幽亭面平圃選樹鶯屢遷銜泥燕方乳曲徑  
度香風落紅紛可數岸幘倚南牕抗懷圖書府金石富

遺文瘦肥較定武歐虞既已收  
有及薛與褚裝潢製必  
佳臨摹志已苦道德五千言  
飛金做孟頫篆記出精思  
鍊汞鑄雌虎况有漢魏章  
羅列埒琮琥愛君嗜古心  
超出名語茶瓜爲我修清  
霏却煩暑逝將卜芳鄰時  
挹松枝塵

玉泉次貽上韻

山老蒼龍鱗石吐蝦蟆水  
冷暈玉光圓日照垂虹似  
昨夜春流添帶長青蘿委  
十里夾堤楊人影落清泚  
宿霧隱芰荷遊魚咬蘭芷  
昔時望湖亭寂寞春山裏  
猶想翠華臨龍旂青雀尾  
巍巍功德寺無人識舊址  
惟有華嚴

庵巖洞鑿神鬼壁間耶律詞  
苔畫猶未毀旣傷人代遙  
遂歎浮雲駛瞑然萬壑深  
烟徑問樵子

遊卧佛寺次貽上韻

寺有卽孫北海先生退谷

山曉望無際逕逕造香林  
卧佛示妙相午鐘清梵音  
仰矚杪樞樹遍覆殿堦陰  
飛觀丹霞景削壁青銅岑  
王貽上曰  
鮑明遠客去茆亭寂僧閒  
晝院沉菓園通藥圃翠影  
豁塵襟勇退欽哲士幽棲  
愜道心竹間過流水一聽  
嵇生

琴

王貽上曰結洒然

三月十一日同李奉倩給諫  
汪竹巖比部桑雨嵐

郭魯瞻陶槎儔儀部房慎菴  
同官東郊祖餞邵

瞻兩學使兼泛舟遊佟家園言歸有詩

霓旌南浦去翠帳東皋開鳴騶旣已集竚望佳人來鬱  
紆盼河岫歷歷見亭臺褰裳就輕舸泛泛玉川隈拂櫂  
岸花落衝波沙鷺迴微風蕩蘭芷蔥蒨相滌洄遵渚造  
名園垂楊夾芳徑欵戶山鳥驚飛鳴輒交應王貽上曰  
換韻處見  
委天桃萼已滋紅葯華未騁曲榭眺流霞丹萸冠蒼磴  
藉草倒金樽開襟豁清興林表散斜暉迴舟重送客分  
袂野躊躇征鑣雲樹隔所歎行者勞敢云居者逸眷茲  
幽賞心歸途聊共適摛藻媿江淹徒傷春草碧

王貽上曰結撰本  
齊梁別具秀骨

### 懷馮訥生

青霜墜高梧在堂鳴蟋蟀歲暮歌唐風懷人感非一念  
此金閨彥謙沖存樸質羔裘恬素絲鶉居審容膝坦然  
大雅心直躡風騷室煌煌雲中詩鮑謝遜高筆綢繆翰  
墨交滌蕩紈綺習別來遺古歡泥塗淹白日城闕一何  
深烟雲蔽原隰有情知望君誰能髮如漆

施尚白曰竟是古人之作  
王貽上曰秀外惠中朗然玉振

阮疇生遊盤山回過訪齋頭因談登覽之勝作詩

### 紀贈

秋色結庭陰脫巾卧松脚微聞剝啄聲呼童啓局鑰故



人山遊回烟嵐繞芒屨剪韭命新筍歷歷訴巖壑突兀  
盤龍山縈紆薊門郭怪石紛巖從飛泉互噴薄萬松鐵  
杈枒蟠鬱蒼虬攫躡屐禮定光墀影丹青落旋磴仰飛  
鳶攀條學哀攫其時天氣清八荒何寥廓決昔小神州  
長嘯凌大漠絕塞萬峰攢齒齒排劍鏑王貽上日四句  
最豪健有氣  
晚飯叩齋厨罩雲開翠幙聽僧話九華層巒更巉削王  
貽上日又  
轉一境信宿出山腰中盤訪大博傳鉢有宗公機鋒捷  
可樂聳身下青岑反顧神猶愕以君濟勝才不受塵鞅  
縛名岫與高僧恣覽飽詩橐笑余簿領拘勞形徒刺促  
會了婚嫁緣枯筇手自斲禽夏與向平高風庶可作

懷王貽上使蜀

金波麗叢桂玉露湛清荷停尊怨芳夜引睇蜀山阿美  
人握金鏡衆妙歸網羅錦官存往蹟琴臺倚清歌因風  
散珠瑟吹綴珊瑚柯平生襟帶歡怨別空蹉跎何時發  
三峽聽此哀猿多

王貽上日結體在鮑謝之間  
葉井叔曰三百性情六朝風格

偶成

大道本夸曠人心自偏側耳目乖所營行役苦未息矰  
繳智已施天衢鮮暇翼眷言返余真嗒然靜胸臆幽趣  
愜林泉寂境冥機識俯仰萬古情達生庶有得

大中丞宋先生屬覓名山藏家中舊有藏本適寄  
至賦詩侑呈

先世神熹日鏡山稱黃耆吾祖得忘年論交班尹厚親  
見校名山蒐羅窮一二西編成首見遺鄴架收藏久人事  
閱滄桑祖澤猶在手緬維薄宦來巾笥不及有媿無延  
篤才敢希游夏後吾師宋夫子博雅茂先偶聚書等石  
倉縹緗光戶牖憫茲文獻沒史材將安取命訪名山藏  
舊章或不朽昨夜南風吹布颿至津口開緘檢遺書斯  
篇燦星斗送詣西堂中高懷庶無負鄭子學春秋還從  
季長受永言親絳紗執經資善誘

秋日徐庶常過訪潞署賦贈

秋色落高槐空堂人吏散抱蜀寡歡娛索居起長歎君  
子覽德輝遙賁凌風翰微言見冲襟清篇發淵翫持此  
樂新知深盃醕無算讌坐竟忘疲疎星忽有爛預愁駕  
華翰明發悲獨旦

施尚白曰古甚老甚

葉井叔曰清溪適上

東汪茗文

夙昔同心人夷猶樂懷卷乘時出一鳴收光駛如電好  
爵不受糜丘園歸獨善著作擅東南起衰主壇墀干謁  
來紫駟碑銘盡黃絹詩句屈曹劉風騷入組練蘊璞自

山輝珪璋方屢薦延竚來徵車稅鞅金素變咫尺隔容  
徽心思日難遣願此拂長纓與君一相見

王貽上  
曰雅潔

思南郡守陳轉菴母舅服闋赴銓賜臨潞署深宵  
歷敘故鄉亂離之苦忻慨交至賦此奉呈

滄海正橫流天吳恣傾覆狐火旣稱兵潢池亦帶犢萌  
隸觸鯨吞哲人甘蠖伏王師掃江湄摧鋒若破竹三載  
苦塵氛一朝歛屏逐吾舅間關來扁舟指河曲驚喜走  
相迎單騎不及僕入門拜容光典型何肅穆坐久忽生  
悲摩娑涕淚目稍戒盤中蔬慙克肥豈速開尊如夢寐

歷歷敘寒燠經始黔中歸素冠返茅屋襄事陟岷哀若  
堂高原卜幸崇馬鬣封旋駭蝸角觸乳贊穴間鬪骸骨  
原野暴頭會盡錙銖膚剝靡煢獨屠沽竊要津冠裳道  
僇辱思執義熙年謬起洛陽獄正直神明俱未攜浮海  
族遯跡隱林廬爲儀鎮雅俗幸脫虎口災重問熊車祿  
陳咸沛上居工部武功躅千載有同心大義昭往牘諸  
甥非魏舒薄宦徒碌碌感歎渭陽情含哀思顧復縱恥  
瓶罍空荒齋聊信宿微雨夜方深簷花燈外撲

訪林蜚伯新移寓齋

林子侗儻士好事輒卜居齋心人境中數椽十笏餘門

問山詩集 卷二  
巷相紆迴竹樹搖扶疎白雲護墻屋黃鳥鳴堦除伊余  
寡朋合時獨愛君廬圖書悅岑寂巾拂伴清虛瓮底傾  
濁醅盤中列新蔬三珠旣云集謂觀伯四美良復俱酣  
讌忘夕歸詠歎結歡娛凌雲滿四壁端不媿相如

秋日余佷廬給諫招集寓齋賦贈

遊子悵行役三年沮洳滑眷此平生歡斗酒不復持如  
何素秋夕重披君子帷華棖蔭瑤席嘉肴旨且時開簾  
下白鳥岸憤起涼颺懿彼庭中花蘭蕙紛葳蕤馨香盈  
懷抱酌言豈知疲夜闌散緗帙著作多芳詞謹言補哀  
職游藝鳴新詩淑美信非一佩服安可辭飽德歌旣醉

食萍懷今茲古歡洵能再願以歲寒期

王貽上  
曰雅作

施尚白點定拙集聞體中少違作此奉訊

卿雲麗天章榮光出河洛文采擅風騷經國理無怍末  
技矜雕蟲菁華日刻削不有起衰人雅頌終濩落先生  
握靈蛇十年卧雲壑黽勉應立纁從容侍講幄憫茲微  
言絕健筆抹膚弱語必屈宋期力與班楊角爛然見經  
術斯文增式廓昨登君子堂獲覩未雕璞和氣如太羹  
大斗恣斟酌施尚白曰大儒之  
言小巫何敢當示我宣城詩精深存矩  
矱大哉滄海觀詹言媿束縛願以樸邀姿仰丐般倕斲

極口瑯琊公

謂貽上

推轂相揚摧想見若谷心謙沖柄慎

恪朔風厲仲冬陰陽正迴薄服食養天和有喜占勿藥  
愛此金玉軀吾道資先覺

王貽上曰通首深摯是至性人筆墨爛然見經術五字得宛陵學問本原所云詞林有根柢也

奉送陳轉菴母舅出守江寧

搖光指仲冬立風飄絳節褰帷倚圖書遙睇鍾山雪

王貽

上曰瀟灑可愛

鍾山佳麗地連葦森闕閱纂組被天隅筐篚輦

京闕置守或乖方所憂民力竭

王貽上曰仁人之言

天子念東

南虛懷簡時哲吾舅蘊經綸從容黃綬結直如朱絲弦

皎如水壺月會敷嘉樹陰重繩驄馬轍

外祖父侍御公前按江南屯

政釐剔宿弊特著清望

翩躚長離羽崇臺振高潔煌煌漢穎川璽

書行賜秩

又

離筵倚河曲祖帳臨城隅驪駒方躑躅賤子起躊躇束

髮受明訓黽勉學操觚敦詩誦蓼莪罔極思勤劬母氏

既云遠渭陽恩豈殊

王貽上曰天性之言真摯可感

屢閱京華春顧復

必我俱如何嬰圭組遂分燕與吳承宣達元化寧復念

私圖願為反哺鳥長向府中趨騫飛限河梁引領空延

紆德音未或遺庶以代護蘇

王貽上曰溫柔敦厚於先生詩猶庶幾遇之

仲春同黃鶴巖紀孟起孟枚仙衛枚吉過房慎菴

齋頭觀書畫圖章

微風陌柳青過雨城草綠籃輿蹋軟塵延紆深巷曲主人喜客來革帶不遑束把袂坐東軒列筵出藏蓄禱帖永和年樂志吳興錄慎菴出褚河南蘭亭記趙松雪樂志論真蹟丹青蛺蝶圖烟雲輞川幅金石刻印章琳琅光簡牘奇篆逼之罟名鈕肖天祿觸目盡離奇斟酌亦滿腹食古神已酣況有玉釭撲髡懷旣屢開陶中亦再漉歸來卧荒齋夢想高人屋會掃東閣牀更借異書讀

送張一衡遊五臺

我聞清涼山縹緲紫雲間六月餘冰雪清淨非人寰古佛曾示現曇花繞松壇張子高曠士五嶽恣遊觀每吐胸中奇名山爲解顏攜詩過冷署調古垂不刊蕭蕭風雪夜同擁竹鑪寒翩然西北去登陟忘險艱聳身千仞臺國土在眉端眼中除金屑杖底驂銀鸞東望遼海鶴千歲方來還

鄭遠公投示西山紀遊詩賦贈

雪晴苑樹青長安春色早馬首望西山山光自矜好長紆仁智心塵冥迹如掃謝監有高懷佳辰事幽討濟勝招良朋蠟屐向晴昊始探玉泉源復陟香山道高崖聳

秘魔雲竇深杳杳翠微旣蕭森石景何窈窕離奇飽所  
歷蒼然滿懷抱掃磴醉芳尊抽毫流逸藻歸轍示佳篇  
琳瑯恣傾倒爽氣盈綺疏清暉娛昏曉休沐如可期踵  
君拾瑤草

聞魏惟度續石倉詩選有寄

大雅久云亡起衰方再盛海內數宗工孰司四始柄翩  
翩石倉園持論趨醇正是時邁迷陽風騷將不競吾祖  
共鷄壇哲初公與能始先戮力同制勝滄桑四十載遺  
篇具家乘魏子性情人夙昔航佳詠遨遊吳越間詩持  
操選政惟度有邇來客燕南百家復刪定吾聞宗膳部

林子繼起稱高鄭高廷禮見素振中流林見遵巖推後  
羽勁王遵數馬與果亭黃鍾梅聯翩相掩映欲發篋中藏  
巖遲君一商訂

戒驛

下車視荒驛馬敝驛且圯卒史半疋羸呼來淚不已長  
跪前致詞吞聲訴瘡痍南國未銷兵羽書走如螳騎士  
好誅求材官多馘翫笞掠讐輿徒號呶問酒盞況乃乏  
芻茭我馬鞭箠死長吏閉關愁小吏逃鄉里夤緣遂至  
今積弱誰能起聞言未及終祿食當媿恥呵咤非所安  
罕譬乃其理秣馬充廐閑積粟供儲峙尺符後命來努

力共更始慎勿廢公徭俾爾隣封鄙

撤樓

署北有高樓樓高費登陟仰瞻百里雲俯睇萬井室鎖  
鑰擬重關雉堞紛剝崩昔人勞構此非爲資宴佚多盜  
邑夙稱自衛固宜力嗚呼四郊壘卿士溺其職置令本  
爲民所以關休戚媿乏保障才相示惟悃悞一朝撤危  
垣坦然示不惑罷聞樓鼓聲聊師買犢跡蕞爾弄潢池  
庶幾或屏息

王貽上日可追踪

道州無慚色矣

述哀詩

霜草斷春暉風柯無靜響  
陂隳薦牲牢不逮生前養  
痛哉銜恤人歲晏徒憊惘  
拜跪展冬烝含哀憶疇曩  
緬維我生初家禎方穰穰  
吾祖爽鳩公中朝喉舌掌  
翩翩先大夫第五荷嘉賞  
日誦過庭詩操觚擬銀榜  
坐無握躡賓門有鴻生  
緬吾母柄灑滌咄嗟救椒  
欐潔膳歡高堂馨饘佐書  
棐顧復我弟昂齒齒邾前  
長我祖驂尾箕大夫劇悲  
快經年臥總帷玉樓召遽  
枉吾母誓捐生抽刀徑堪  
吭祖母蔡夫人倉皇急抱  
捨新婦不我延孤兒竟誰  
仰是以母恭人遭回蹙勉  
彊日夕長拊棺血淚紛泱  
泱時余方四齡伯兄歲先  
兩幼弟甫及週呱呱未離襁



辛苦翼孤雛淒涼黃鵠影

叶舉兩切

縞素事清齋鐘魚禮金

像操作借女奴綢繆課績紡小子既勝衣擇師訓愚莽

和熊力彌敦晝荻學逾廣軋軋機杼間齒授伊吾朗靜

夜焚蘭膏觀書或臙臙涕泣訴府君訶咎對靈幌余少

好狂走剽如犢破鞅心懾母儀端脩容晉堂嚮由來陰

教箴功與嚴君仿產本中人家權奇積餘帑脯修既無

虞蘋蘩豐歲享遂擴堂構規推宅更塏塹崢嶸拜清樓

櫺稅丹青上塗墜自經營躋芋益宏敞遺我鷓鴣枝未

憂風雨盪吁嗟丁戊年山海走夔罔啄屋有饑鴟公然

肆噬攘母氏鏡幾先斥金弭奸黨城中方藿食餓骨委

塵塊黃口饜珍糧免拾南山橡豈非鞠育恩罔極齊穹

蒼詎意劬勞躬卒瘁遽長往時在烽燧中摧肝復搏顙

慟哭慘朝昏惇惇竟安倣鮮民徒虛生歲月歎飄蕩卽

今練組纓時深版輿想珈翟雖喬皇無路獻泉壤翻慕

菽水歡終朝承几杖而我徒徬徨思存希臍嚙灑涕酌

椒觴明發益悽愴

陳轉菴母舅曰悽音恫魂如聞臯魚之慟先姊一生苦節歷歷行間循覽益悲在原矣

遊宸石山詩 有序

宸石山距魯邑西北八十里許派遡中嶽自闢

靈異獨以世無康樂幾滅沒終古余吏事之暇

頗與遊事相稱歲庚子仲春風日新美怡及草  
樹遂借僕二鎌一佐以短杖至則攘裾剔柘僅  
達其磴若飛湍亘阻卽以所刊木駕而躋焉遙  
望崇巔雲霞蒸鬱非攀葛莫從及躡頂則紅錯  
于趾始悟爲石而霞反在下因歎大造鑄物靈  
奇變幻何所不有又非特山水已也俄而羲和  
移馭林影屢換俯折而憩翠釜則靈湫在焉幽  
邃淳泓未易涯究蟲屬蘚斑紀龍異甚悉大約  
戒物下觸觸則龍騰而雨余目懾久之遂呼僕  
去最後齒而下夫不能忘情於菟陟者恒以所

悅爲安然或景逝衷移虛踐佳境不有誌詠其  
何以伸謝客之懷哉退而紀之以詩

王貽上曰  
似蔡羽諸

記

暇日愜冥遊澄懷展幽眺叠巘出雲端飛泉懸石竅往  
往人跡絕林薄射靈曜振衣渺八垠天風迴絕嶠奔悅  
忘嶽寄沈寥傳振嘯越山不記重山山各臻妙

王貽上  
日措語

亦復  
妙

空翠入襟裾畢景恣欣笑

訪歐陽行周修禊亭舊址

唐四門助教歐陽公諱  
詹字行周泉州人爲魯

令時歲以三月三  
日集僚吏飲此

幽蘭有異芳托根在空谷威鳳有高儀翔止擇嘉木卓

哉歐陽公出處超凡俗秋風石室巔猶疑聞誦讀

吾郡北山

有公石室書院

禊亭訪遺墟寒流清可掬悠然涵春熙閒情寄

醞醪曠懷晉賢遊暢敘繼芳躅千載里間心踐跡媿初

服寥闕增慨欣清朗盪胸目俯仰竟忘歸餘暉散林麓

高風信可追寤寐幸私淑

聞機杼聲有作

施尚白日佳題

雲黑亂山低野店留人住茅檐荆作門朴質得其趣雜

花撲几香兀坐愜幽素山月淒客心展轉若有慕軋軋

起西鄰機聲隔林度誰家復相

去聲

春辛勤警夜務無端

兩物情倡和竟昏暮僮僕亦何知憎彼輒驚寤人生不

耕織絲粒將焉措家稔與國豐熙皞由茲寓不見兵燹

方編氓廢安作

音做

泠然夜色深寒風動草樹牕外列宿

稀鷄聲滿行路

### 書感

少無適俗姿誤有耽書癖蘭膏日夜焚輾轉費駒隙架

乏禦寒衣釜少晨餐麥妻孥顧我愁高吟亦何益昨登

故人門有客居上席百金裝鵜鷁千金買狐腋騎射超

等倫談笑露肝鬲問知新督護南征隨破逆致身亦有

階何必盡經籍咄哉魯諸生儒冠終被斥

施尚白日

唾壺擊碎

散步

散步入幽林  
晨光耀叢薄  
宿鳥夢初醒  
青山宛如濯  
春色著花枝  
東風吹不落  
遙想灌園人  
桔槔方寂寞

秋夜彈琴

微風吹涼月  
流景照孤琴  
琴聲清且切  
木葉下空林  
商調刺人骨  
羽調縈人心  
豈無鳳凰曲  
所貴在知音  
關山一何迴  
河水一何深  
長天孤鴈唳  
命匹哀雲陰  
嗟彼焦尾恨  
不如成灰沉  
零落感朝露  
腸斷白頭吟

王貽上曰掩抑幽咽亦有朱弦唱歎之音○此謂古雅

留別汝州任木生

寶劍倚崆峒  
神奸皆辟易  
但覩芙蓉光  
誰辨土花碧  
與君樂新知  
忘年締三益  
君文清廟珍  
方圓中珪璧  
赤汗騁霜蹄  
都塊隨所歷  
媿我轅下駒  
迷途傷偏側  
陌上柳初條  
青青送行客  
別離悵茲辰  
邂逅知何夕  
汝水自清漪  
蒼茫烟樹隔

哭陳駿汝表兄

十月悲繁霜  
蘭枯百草瘁  
悠悠埋玉人  
靈虬返六轡  
憶余失怙日  
曰惟舅是恃  
舅氏課督均  
子甥無異視  
予齡甫十三  
兄年屆十四  
風雨共晨昏  
相資質經義  
四郊忽烽火  
言歸將母侍  
螺陽一日程  
隔爲兵燹地  
爾時倉卒

中慈母復我棄

施尚白日苦  
事可雪涕

哀慟廢蓼莪孔懷憶棠棣

亂後理青瑣等身餘經笥

駿汝兄幼聰敏過目成誦母  
舅署其讀書處為等身菴

兄文日以新秋風標錦字屈指曲江春聯翩當得意夫  
何邁龍蛇遽實修文淚腸斷褰素帷人琴俱何寄搜篋  
剩遺篇讀罷益歔歔

陳轉菴母舅日情至語真忍  
痛讀之感憶亡兒如在初沒

晨起

晨起曙光靜好鳥交交鳴澹烟籠翠籜零露浥朱櫻攬  
衣啓庭戶蔥巘落簷楹牀上書盈帙尊中酒復清陶然  
適幽賞嗒爾喪吾形宇宙何寥廓無為心自寧安用損

精志憧憧逐世榮

施尚白  
日恬適

叢桂篇柬黃用錫

零露何團團涼飈起中夜萬籟盡秋聲木葉蕭蕭下叢  
桂獨扶疎枝柯琪樹亞素質挺巖阿孤懷閱春夏檀藥  
吐奇香疑從月中瀉翳彼出塵姿幽芳肯相借悠悠招  
隱心千古同悲詫寄傲飽烟霞珍重彌增價運序歛逝  
遷華實互代謝托根幸自全盛名安可藉遲暮結深交  
待君一命駕

熱嘆

燭龍騁炎馭秋來勢愈驕奇雲空作峰莫解山澤焦饑  
鳥不啄粟爝火在枯苗吾廬如覆甑悒鬱耐昏朝流爍  
及几篔紈扇空招搖緡書與伏枕展轉成紛囂故園有  
池閣松陰覆長橋披襟讀騷史不雨自瀟瀟舍爾今幾  
載蘭蕙應寂寥枋榆違素志一枝愧鷦鷯願乘長風起  
憑虛凌九霄

東林寺小憩

廬嶽聳疊屏縹緲白雲際行行遵山麓曦午未停騎過  
雨淨襟眸林端見初地選徑鑑華池素蕖發香氣列巘  
通諸天清靜送蒼翠梵閣禮旃檀飛來詫靈異三乘悟

皆空六塵捐匪易擬酌智慧泉方井苔蘚翳跂彼十八  
賢冥棲蘊真意徘徊出虎溪适岑新月霽

詠庭蕉和牧仲用松陵集新竹韻

甘蕉競森爽蔭此讀書楹豈惟蔽炎焔直欲捎青冥紛  
疑越孔翠炫尾展修翎當牕扇涼颺碧色搖雲屏頓拓  
臨池興染翰清泠生良宵微雨過浙瀝聞前庭灑灑浮  
蟻訟于于覆鹿醒高秋擷嘉實玉案饒芳馨方春能敷  
華何憂霜雪零

夏日阮疇生過集芥坳

齋閣隔塵鞅槐徑絕氛埃翠篠冒松牖紅蘭覆苔堦悠

然想儔侶蘿戶臨風開故人能遠至把袂欣無猜聊爲  
池上酌暢此真率懷方塘白蓮靜馥烈浮香醅瑤尊旣  
屢覆綺詠當復裁且共歎桐月未憂清漏催

過雩都峽口

青靄結層岑朝暎翳回麓掉鞅越林阿寒松淒以綠嘉  
卉競紛葩幽禽響邃谷夷猶涉清溪漣漪淨如沐暫假  
濯纓娛希心塵外躅登頓歷修塗駮駮互起伏巖壑恣  
延紆烟霞盛覽矚向夕望崦嵫杳杳繡壤錯農父穿黃  
雲腰鎌穫秋熟會詠幽雅詩南畝勞載俶

舟下十八灘和牧仲用林蜚伯遊南華寺韻

巖石挾奔流詭激紛萬變汔濟憂濡尾投荒媿屢踐臨  
淵疑九折徘徊廢餐膳灑灑頽嗟未經黯淡愁載見嗟呀  
嚙崩濤齒齒厲于箭微命寄支撐安危在一盼篙師鼓  
戩櫓力與漩渦戰劣乃脫惶恐得假布帆便嶒嶸莽迴  
復排冪風勢轉叢薄翳朝暎亂蒿竄饑涎反顧挂長綃  
欹側浮素練忠信托虛舟夷猶到江面

西園易亭詩

有序

玉峽令君郁遜膚者浙西佳士也治成政暇卽  
署西偏闢園構亭命之曰易貽書索予詩紀事  
余曩來虔數以公事詣省故嘗住還玉峽一再

晉接令君温文爾雅望而知爲江陵道州一流  
人惟是落景停舟戴星移棹顧未嘗一登斯亭  
遍覽谿山之勝夫未履其地而賦其境非溢則  
誣予其何以塞令君請雖然地以人傳境由心  
造琴臺竹樓千載下想見流風猶能咏歌其盛  
豈必手弄烟雲目親魚鳥始克揚摧無遺哉夫  
易窮則變變則通通則久又曰神而化之使民  
宜之令君旣拊玉峽之民易瘡痍爲衽席桑麻  
弦誦蒸蒸區內矣斯亭之作行且後闡雉以長  
存通久之義洵乎有合然而令君則顧謙讓未

遑也余因廣易之義而詩以紀之

歲晏寒風吹江雲紛變黷臥閣理韋編觀爻發蒙昧忽  
有素心人瑤華傳警欵示我易亭篇江山迴盼睽想見  
英妙姿政閒試茂對激湍遶園西疏軒出堂背梅竹舍  
冰霜清靜官舍內岍憤或憑高千峰開晡曖峯嶸丹葩  
繁阡塍碧流滙蓬戶士歌商麥郊農載耒地是懷葛隣  
俗擬羲農代移風政已成名亭存勝概會埒玉笥山終  
古托厚載

阮瞻生日就易字上寫亭寫  
人寫景毫髮不亂卓然名手

魏冰叔徵君輓詩



昔聞魏徵君逃名隱雲壑冥鴻跡既騫烟霞牖自鑿鬱  
 彼金精峰易堂構巉削日與數君子共研丘墳學二難  
 稱競爽三高茂傑作理蔚周程醇力厚遷固角溟漲挹  
 榮光丹霄仰鸞鷲公卿從交辟纁蒲竟屢却終古漢侯  
 山高風未寂寞往者膺 簡書謬筦章貢鑰喜近鄭公  
 鄉獲縻中孚爵征驂稅白門徵君時行藥邂逅邁彼姝  
 問俗造東郭授我經世編精思轆公穀析義知服勝諷  
 本希延忤願發橐中裝鉸鉢佐刀錯庶幾磨經旨千秋  
 朗玉燭別後臨江關嚴霜貫貞籜咄咄龍蛇嗟少微中  
 夜落猶子遠單縗謂昭鹿車返荔幄廬嶽損精靈長江

悲絕涸慨自風教微處士多齷齪月露爭雕蟲道器寢  
 衰薄煌煌魏徵君樹軌激貪弱悵茲白日徂斯文竟安  
 託雪涕嘆藏舟椒觴酌幽鬼叶遺書有子將謂和息壤  
 期永諾

弟焯曰冰叔當今之鄭康成也白下定  
 交遽嗟長往二復斯篇如讀八哀之詠

贈魏和公

真人魏伯陽爰作參同契功合九還成理與十翼際奕  
 葉衍盤根三株挺嘉植縹緲翠微巔吾廬帶薛荔一堂  
 究河洛默成非卜筮龍德擬乾初潛確蘊深意間以文  
 字祖發為載道器黼黻象昭回璠璣走遐裔伯仲耿含

輝白看更稱季昔為雲鴈翔今見靈光歸大業荷一身  
斯文氣獨萃直道彥方規知非遽瑗歲大過夙已寡掛  
摺應罔媿五十始中宮丹訣隱妙諦會試餐玉方驂虬  
謁青帝

葉丙霞曰  
筆力嚴重

月夜舟泊

艤棹幽意愜眷此秋夜良澄江霽涼月素練飄流光遙  
天淨如拭草樹分微茫蘋風靜鷗鷺桂露沾衣裳浩然  
發清曠長嘯詠滄浪

王貽上曰不減鈎簾  
宿鷺起九葉流鶯轉

癸亥孟春同

殿工使者洪學士閱木袁陽于文侯郡守邀遊化成巖  
次施尚白留題原韻

放棹沿淪漪振策陟巖壑揮手謝塵鞅縱懷得疎豁過  
雨濯寒松微陽暖春萼延眺俯澄江峰巒鏡中落留罟  
集沙村鷄豚散晴郭風流愛賢守殷勤具杯酌夕醉澹  
歸心疎鐘警幽廓

鄱陽湖

渺渺鄱陽湖烟波浩無際誰洩尾閭墟注此浮漚地幽  
闕隱龍宮精靈走蛟魅颺母挾天吳驚濤轟轟聳崔嵬

萬斛舟杭枳戒顛躓往往津梁人春糧嘆遲滯我來及  
芳春積雨偶開霽朝旭散陰霾輕飈掃蒙翳澄川似掌  
平物象見纖細篙師顏色喜擊汰舵還振鷺鷗靜不飛  
鶴鶴戛然唳歛見廬阜峰鬱崒遞蒼翠棧擢落星灣奇  
石詫飛墜境幽情彌怡目曠心無累申詠忠信篇循端  
庶罔愧

守風長嶺尋迴峰禪院少憇贈梅上人

峽雨過層岑風泉落危磴時聞樵斧喧谷鳥鳴交應攀  
蘿翫翠微臨流鑒清瑩映竹疏茶畦穿花度梵磬遂造  
遠公廬棲真見禪定

又

迴峰舊名刹法印宗南嶽開士久安心對客儼無學盤  
菓定猿供拄杖枯藤刷靜發箭鋒機能使鈍根覺塵纓  
如可濯重來拈兔角

忘歸巖次王文成公韻

霽雨淨嵐陰冷冷巾帶好崖下納清虛游神寄三島已  
悔入林遲偏虞出谷早迴風度晚鐘烟庭黃葉掃

山人林野出谷早  
秋風更與餘  
黃葉  
表雨  
風  
劍  
今  
今  
中  
帶  
我  
望  
大  
海  
青  
雲  
流  
噴  
噴  
志  
氣  
壯  
六  
王  
文  
烈  
公  
顯

取可對重來淋取魚

果  
家  
蘇  
林  
下  
木  
木  
風  
飄  
晴  
空  
會  
金  
輝  
射  
對  
於  
野  
景  
動  
驚

或  
列  
於  
空  
中  
會  
金  
輝  
射  
對  
於  
野  
景  
動  
驚

七言古

從軍行

年少羽林郎翩翩大道傍  
寶劍千金直名馬百金裝  
邊檄夜傳刺閨急宵衣未曉承  
明立飛將何人議築壇柳  
營發見旌旗集生平不用讀  
父書談笑臨戎算有餘  
久將名姓書軍帖新領兵符拜  
玉除河陽渡頭殘雪在魚  
麗陣連楚雲改五月瀟湘水  
北流三軍百戰仍堅壘湘  
雲漢水自悠悠鴻鴈聲中萬  
馬秋絕域征夫方捲甲深  
閨少婦謾登樓此身甘向沙  
場死何況區區戀妻子麟  
閣勲高不足言丈夫意氣當  
如此君不見古來征戰幾

開山詩集 卷二 七言古

人還梅花笛裏度關山縱得旋歸歲已暮風沙戚戚非  
朱顏朱顏有時老。煙塵何日掃。將勇無庸召外兵時平  
只在廟謨早轉看賣劍買耕牛盡放驂騮試春草

施尚白曰

大關係語以風雅出之

征婦怨

邊風颯颯秋蕭索隣砧夜擣霜月白空閨夢斷戍煙深  
重理殘燈動刀尺憶從南國羽書飛嚴冬雨雪正霏霏  
將軍受詔辭金殿戰士長征臥鐵衣孤城百仞重圍合  
間道短兵日相接終年苦戰陣雲黃丹楓空墮離人血  
妾來猶未拜姑嫜熒熒獨守只空房男兒能備公家急

生女真堪棄路傍昨夜春風入桃李纔見花開旋結子  
知君不逐南歸鴻妾心自誓東流水

葉井叔曰右丞風格樂府遺音

乙卯秋洪畏軒奉常招集賜莊金魚池次和原

韻

昭代元臣真競爽鈞衡手握平于掌太府難忘九伐功  
午橋特勅三公賞邸第舊傳戚畹家銀塘碧沼最堪誇  
無數錦鱗浮荇藻燦如雲漢麗朝霞韋成繼相西京裏  
休澣閒來俯芳沚蒹葭浥露何蒼蒼折簡招余對秋水  
三徑頻過跡不疎雕盤渠盃羅紛如啣盃喜共公榮飲

就庶猶懷臯子居年來未覩欃槍落嘯海鯨鯢何跳躍  
安得君家舊孝寬指揮如意都銷却我但與君痛飲醉  
清淪逍遙藝苑嗽芳津不講干戈講禮樂鏗然蕤鐵躍  
河濱

張南溟給諫自書觀王右軍樂毅論真蹟歌見贈

賦謝

古來翰墨擅工巧詩有杜陵書逸少其餘鱗甲各分張  
千載何人兼二妙京峴張君迥絕倫玉衡金鑑照青春  
致身早射東堂策補袞今爲左掖臣諫議才名何翕絕  
挾藻臨池人辟易競傳麗句壓隋珠况擅銀鉤輕趙壁

昨者高會小馮君裝潢墨妙出右軍真蹟家傳樂毅論  
規虞樞楮徒紛紛紫荆花下同開展觸目琳球盡一卷  
詩思歛發若有神醉後虬髯不用撚奔騰滄汗森波濤  
璀璨陸離光琬琰詩成點檢晴窗裏半幅吳綾剪秋水  
銅雀瓦研天峰煤烟雲繚繞行間起奇姿嘯樹見仙人  
秀態插花逢美女鳳閣天門希世珍寧數縱橫一萬里  
色絲幼婦錦爛斑封題肯寄馬曹閒百濟千金買不得  
忽落吾手開吾顏君不見金谷詩蘭亭字文采風流長  
不墜我今靜對日焚香何用公孫大娘舞劒器

施尚白日  
豪興堂堂

沈石田山水歌

石翁絕藝凌等夸騰蹕不受盛名羈同時畫師乞題識  
坦然落筆無相疑遂令砒砒雜拱壁披麻大皴矜神奇  
施向白日  
筆力老健此圖爽秀見真蹟筆勢頡頏黃大癡疎林瘦  
石倚平莽數椽書屋清溪上披帷挾冊有幽人演漾烟  
雲眼中盪出竹柴扉半已開過橋酒客遙相訪別有崇  
岡俯碧灣波光不動意逾閒尺幀欲饒萬里勢方壺蓬  
島疑堪攀五言長城擬鮑謝蒼巒倒向行間射心畫心  
聲兩絕倫石田題詩有拊茲乃心  
畫其情聊自多之句法書況是涪翁亞友  
人寶此重兼金錦軸裝潢什襲深開厨未走甘相送使

我飽看松杉陰我家茆茨山礪曲廿載園荒秋草綠何  
時拂袖歸衡廬得對此圖坐臥貧亦足

嶺南歌送王仲錫觀察

漲海風波久不揚名藩猶藉省中郎璽書夜降辭三殿  
旌節春深下五羊南天隱隱標銅柱桂嶺炎雲照日暮  
越王潭上水連空尉佗城邊草如霧桄榔垂葉拂行帷  
翡翠啣花點繡衣蠻戶蠙珠歸合浦島羸皮服貢離支  
共識清修曾似鶴千金不羨陸生橐船移舉口憶沉香  
文到潮陽能徙鯉從容坐鎮海天秋風捲濤聲月滿樓  
賓朋才調多佳興如澠之酒百斛舟有時遙望思京邑

應話平生馬少游

王貽上曰右丞東川之間有此風格

戈育仲侍御茶馬復命贈余蘭州淳化帖作歌

以荅其意

能言鸚鵡不足請葡萄美酒不足進知余染翰好臨池  
閣帖携來充雅贈君走龍蚪始漢章臣起蒼頡稱發亦  
宋代天子真曠觀陋却襄陽但寶晉焚香座上對張芝  
捲幔窗中逢子敬驟見游龍臥天門復覺驚蛇入草徑  
愛道憑虛迥欲仙快馬隨人初入陣自非肅府妙雙鈎  
真贗雜出誰堪信何年摹刻出西安工人爭避遠致艱

盡鉗紙尾國初年潛篆淳化續其端古人神明不復見  
正須好事分神好戈君識鑿天下絕善本遠購自臯蘭  
西來易致大宛馬銀鞍輕載縹緗還驂騮貴骨不貴肉  
鍾王筆法作是觀慙無奇字報君札擬種芭蕉學閉關  
贈許實夫

閩海丁生有印癖世間奇石苦難得青田舊凍價兼金  
繡山璠璣雜五色龍文龜鈕手自磨錦帕封題仗誰刻  
當今篆籀最稱雄前有葛起後許容飛騰筆勢均無敵  
刀法源流迥不同許生本是名家裔炯炯雙眸秋月霽  
弱冠遠陋經生言冥搜奇字古初前上窺蒼頡下羸氏



六書體要精其傳垂露懸針凌碧落健腕揮來動金錯  
 北海靈芝集一身豈有風流讓擇木叶遠携絕技走京  
 邸藝苑羣公爭倒屣憐予好古得相親為刻玉章摹漢  
 壘莊如諸真謁帝驟鸞翔勁如虬松古幹摩穹蒼奇如  
 禹碑岫嶠開鴻濛逸如空江獨夜鳴孤鴻其時落日照  
 金臺酒酣出袖天為開施尚白日忽親見周宣篆石鼓  
 秦斤燕縛安在哉嗚呼許生真奇士安得儒衣見天  
 子李蔡功名從此始一覩文章上台綠字丹文銘泰  
 峙

送邵瞻兩視學江南

春風搖漾青門柳紅亭朝醉梨花酒使君懸綬建雙旌  
 惜別故人重分手憶昔風塵暗海邊名流書劍滯烽煙  
 忘年自愧非文舉未得定交君子前鸞翼騫騰睇望勞  
 幸向雲霄接羽毛聯步共趨丹鳳陛度支軍國又分曹  
 多君游典容臺禮余亦移官掌列棨時從玉帛借輝光  
 甲兵擬向天河洗閒來更跋中郎屣岸幘携樽同徙倚  
 飲我醇醪公瑾交侵人爽氣西山紫把袂言歡恨較遲  
 那堪芍藥賦將離天子臨軒咨牧伯諸生倚席待經  
 師到處停車攬霸圖三吳才氣無時無美箭南金寧足  
 貴須知江左有彝吾

立秋後二日雨霽小理花木漫興

秋陰昨夜黯不開今朝雨霽秋光來新紅未墜霜林葉  
老翠猶鋪石面苔町疇泥沾屐齒滑旭日初照絕氛埃  
衆草何當欺晚菊枯松聊可伴寒梅呼僮剪剔除蒼翳  
靜觀蟲鳥渾無猜但使曠懷隨寄托荷鋤孰謂非周才

施尚白日  
清事楚楚

慈仁寺僧房看西府海棠花同沈康臣用東坡定

惠院海棠韻

慈仁古寺森嘉木偃松輪囷稱奇獨殿庭盤鬱衆所欽  
闐闐喧厖未免俗海棠亦是琳宮種高寄僧房似幽谷

歲蕤碧葉陰經臺修聳交柯出梵屋乘春帝女散天花  
水紗霧縠籠肌肉朱粉畫來竟不成丰姿看去應難足  
捎烟裊露麗以清累萼承跼閑且淑蛺蝶從教抱藥房  
螻螳未容穿樹腹祇園欄楯久護持不用編籬插疎竹  
良朋拉我花底行霞光爛熳炫心目天下海棠孰最佳  
昌州異種冠巴蜀施尚白日開  
宕法本杜老倘遇此花相頡頏平章  
未易分鷄鵠生平綺語習未除聊對瓊枝按歌曲賞心  
莫待棟風吹片片落英驚鳥觸

送程翼仲之江南學使幕

長安春暮瀟瀟雨送客開帆去南浦借問携樽欲送誰

云是當今伯休甫程子學儒兼學仙從容好事詎能數  
讀盡龍門篋裏書調來神鼎爐中虎已看筆法走鍾王  
但恨無詩過鮑庾昔爲思親客海隅今爲上書滯京土  
新識經師馬季長知君詞賦擅鸚鵡挾君更向秣陵遊  
共索球琳貢天府蒼黃此別意何如勿爲離憂徒自苦  
但令授簡得枚臯應勝軍書重阮瑀穉子能文意不疎  
遲君一振天池羽若看江月照江花回頭一望燕山樹

施尚白日住

陡健有情

何雲子觀察將之閩中適頒至今

上六年所馳 恩命喜遂先榮索賦題贈

美人發京國瀟灑事輕裝圖書已盈篋綸綍生輝光天  
孫織雲錦卷帙爛縹緗玉軸兩頭飾金花七葉張青虬  
及紫鳳合沓紛翱翔制詞代 天語展對生矜莊上言  
天下治道在勵官常教忠與移孝嚴父作其昉朕臣有  
何武夙昔司激揚乘驄比桓典埋輪繼張綱亦越分陝  
命旬宣績彌彰今茲有懋典禮數宜褒崇而身暨而父  
勅賜官職同母儀與閨範錫號均龍章女其悉朕意三  
命茲益恭人生得此事亦足行道揚名稱式穀鼎養雖  
睽五熟鸞尊榮已給五花軸以茲感嘆欽殊遇益借冰  
霜砥臣素不將南顧憂至尊滿捲潤河向東注絳節飄

飄七閩去

王貽上  
曰有法

五月朔日同官衛枚吉歸里省覲詩以送之

四月紅藥花滿蹊五月菖蒲葉已齊  
菖蒲猶是仙人草將離芍藥何萋萋  
與君同省久投契雲龍相逐舟共濟  
朝回竟日作淹留情重何煩綵縷繫  
杯酒歡呼共論文朗朗壁人自超詣  
平生肝膽輸友朋不學纖兒好權勢  
時談先代表遺清亭亭獨立誰能繼  
浩歌感嘆見君情愛君鳳毛重君世  
如今忽作花時分笛裏梅花那可聞  
歸去從看蒲葉綠九節高堂佐壽尊

已未正月廿一日潞河喜雪用歐陽公聚星堂韻

不用玉月梨花練絮  
白舞鸞鶴銀等事

條風昨夜綻新萼雪花歷亂相迴薄  
朝來擁鼻出門庭霏霏更帶寒威作  
冥濛瞥見壓城闔瀾漫驚看滿山郭  
沾衣拂帽細無聲惟有光芒眼中爍  
震雉掠將竹外飛凍烏踏向松梢落  
美人垂幕薰麝蘭公子披裘擁貂貉  
周原沆漭如砥平轍跡衝成老蛟攫  
應知入地盡遺蝗不用占年聽銅雀  
長安西城有銅雀一鳴則五穀熟  
呼童掃逕延嘉賓揮帚縱橫沒草屨  
宐麥真堪釋杞憂莫嗤赫赫田家樂  
興至就壚酒易賒醉後敲冰茗可淪  
廉纖日暮轉淒清

四顧天低尚漠漠抽毫欲作喜雪行手重呵寒如握槊  
白戰何當學醉翁倘遇髯蘇慙一噓

陳門張氏若觀節烈歌

為臣死忠婦死節王凝妻臂常山舌此道昭炳千古間  
叔世綱維嘆屢絕嗚呼甲寅閩亂興百爾臣王孰義烈  
方面有陳師武吳謂觀察陳公啓泰總戎吳公萬福總制精誠貫日月  
謂總督潘陽范公外此寥寥難可期胡廣中庸成一轍詎知螺  
陽巾幗中勁節稜稜映霜雪夫君早逝隨黃泉以身投  
井幸復延勉作未亡十二載望養嗣孤還所天不弔孤  
亡亂未已鯨氛肆虐婦人耻血瀦灘澁絕命詞此際乾

坤存正始張題壁有乾坤此際當自決之句從容就義付雉經白璧之

身歸夫子杜陵貞白克刑家作傳真堪繼青史謂轉菴母舅

嗚呼婦節與臣忠不負此心惟一死輜軒遙訪殉難人

彤管應書及彼美

王貽上曰可媿男子使奸諛九原猶有頴泚

葉井叔曰以臣忠婦節合斷可備信史

初秋龔瞻蓼莊素思富韜上過訪金魚池寓園同

李瞻航郭舒霞陳轉菴母舅留酌用施愚山金

魚池歌韻

韶光過眼如鳥疾虛擲流年諒非一三秋荷鍾復歸來

喜見賓朋猶昔日眼前濠濮良可尋莊惠翱翔戀儔匹  
渭陽別館騏驥隣步履相過交契密爛爛何當問主賓  
携具開樽坐我室瓮堆綠醕金鹽香盤登鮮鯽銀絲出  
狂呼不復拘醉醒痛飲真能見膠漆紅鱗池畔柳枝新  
丞相園林非舊春我來三度依臯廡轉憶當時把臂人  
謂洪畏軒太常水蒨花發菰蒲綠殘霞落日空傷神醉後高歌  
應不惜拍浮但願常相親飛鴻雪爪元無定且鬪樽前  
強健身

次和田子綸移居

水曹移居聞借車湫隘頗類曲逆家欄下菊荒巢蝙蝠

門前葉落驚麀麀身閒屢給大官籍洛誦朗朗蜂排衙

長鬚遠糴太倉米歸遲屋角日西斜施尚白日正似韓蘇先生擁

鼻但隱几魚湯初沸蒙頂花興來爛熳詩百首聯翩有

似啣尾鴉王貽上日妙句篇終騰脊只自賞擊節潛應迴颿槳

愛君佳句逼錢起中夜鼓瑟聞靈媧

次韻酬林澹亭十月初雪過訪寓齋兼懷修來幼

華千仞之作

與君相見無虛月夜坐每待星河沒有時叉手發長吟

清辭往往無枝葉同心更有二三子一日不見歌城闕

曾將詞賦擬凌雲坐擁牙籤輕列戟驂騶塵路喜先開

開山詩集 卷三  
駑馬長途愁屢蹶年來王事各東西幾人尚作長安客  
候屆小陽春氣寒雪花片片點瑤席鑪中宿火撥成灰  
几上膽瓶凍欲裂剝啄叩門疑是君歡然一笑冠纓絕  
急呼鷓杓傾醪醑潦倒玉山煖侵骨作達曾無世法拘  
偷閒或恐天公罰冰霜歲晚正懷人珍重加餐足調攝  
三千里外歸鴻稀安得頻修慰問帖

荔枝曲

丹樓啓朝霞青幕陰玄圃冰雪仙人著絳紗欲呼與語  
不得語空有明珠解佩心一水流雲隔銀浦翠釵憶掛  
紫荷囊日斜幾陣飛紅雨

冬夜聽美人隔幃彈琴

瑤堦霜重夜如水美人垂簾拂湘几天漢沉沉寂不譁  
寶鴨生煙蕪檀菜冷韻初調玉軫和芳情暗逐清絃起  
一派流泉澗下鳴置身恍在青溪裏識曲由來閨閣稀  
臨印人去空綠綺今夜忽聞環珮聲浣盡十年箏笛耳  
轉縵還爲一再彈潛引清商換流徵曲罷悠然初月高  
縹緲餘音繞窗紙

王貽上曰

清辭逸調

望太華

華山何嵯峨三峰削如矢巨靈手劈不可成女媧煉爲

天柱砥上有太白之星精寒芒閃爍光萬里下有巋然  
 宮殿壯金方道傍來往車塵駛車塵來往幾時休嶽色  
 山光只如此邃城杳渺閱秦碑真宰含靈配虞祀鴻濛  
 氣象割朝昏掩靄陰晴變青紫誰將玉女洗頭盆灑向  
 雲根作珠藥流淙飛霰亂松風倒磔崩崖瀉石髓凌空  
 高插玉井蓮絢爛長涵金掌水我欲從蒼龍峽上訪羽  
 客之遺踪今但見鐵索組空樹杪人行歷歷如浮蜃施尚  
白日亦兼蜀道難筆意自昔希夷學仙兮五龍潛蟄一枕清風兮  
 長酣未已胡為乎浮生夢不到華胥日日緇顏兼錯趾  
 百二秦關驅客身千仞丹梯隔源委極目層巒生暮烟

迴首落霞散成綺何時長嘯立其巔九有十州皆一指

王貽上曰歐陽公自負廬山高以爲可追太白此篇似未多讓

夏雨歎

樂陵杏子頰紅後溽暑蒸人如中酒無從隙地覓清涼  
 聊異滂沱洗塵垢昨宵一雨忽翛然列缺馳光蟄龍走  
 溟濛淒滄滙繁雲颯颯驟風飄戶牖屋後高摧棲鶻巢  
 庭前拗折藏鴉柳傾盆注雷不肯休倒海翻江驚未有  
 花棚藥檻一時頽漏床塌壁吁嗟久竈下濕火吹不燃  
 赤脚厨奴啼老醜解熱已見天心慈過多反使三農詬  
 田禾狼藉沒泥塗后土被汗失高厚憶昨田秧未入土



南東龜坼愁旁午此時涓滴比珠璣招致神龍蜥蜴舞  
邇來百物漸垂成一遇霽霖翻速腐安得上天沛澤均  
五風十雨盈倉庾

過灤谿懷元次山

灤谿曲曲流巖谷互奔逐谿雲澹蕩生回抱灤村綠

王貽

上日起四句如畫

灤村隣里半荒榛漫叟清風寄幽麓立言砥

行古人間澆世真淳不傷獨憫時自作春陵行千載尤  
堪警民牧我來訪勝弄潺湲橋影山光漾林木悠悠世  
路悔平生對此冲融塵慮肅

王貽上日峻

潔無長語

月下獨酌

小園草樹交成蔭秋月當空如水浸一杯獨酌誰勸酬  
月色花香相對飲悠然萬籟發笙竽先生放歌觀無悶  
月中營魄幾時生纖阿御輪但一瞬圓者爲誰缺者誰  
但照人間雙白髻吁嗟萬物如土苴天地洪鑪一灰燼  
盜蹠縱橫鮑焦枯彭夭殤壽疇能信忽施雨露忽雷霆  
徒握化權資喜愠安得義農長不改覆載無私同任運  
睢睢盱盱今古齊不識不知帝則順不然燭龍腐爛六  
鰲死元氣茫茫混沌甚何須老氏五千言未用莊生齊  
物論我欲痛哭呼蒼旻悲風蕭蕭月生暈酒罷歌殘夜

色深倚牀剪燭續天問

### 哀馬行

余乘善馬來魯調習日久所向殊倚其力會長途過苦飲河而病及斃瘞之仍哀以詩

海舶指扶桑篙師失鼓柁舟馬事懸殊所關皆匪細此馬騎來自幽燕追風歷塊垂三年萬里長途信可托一朝遽嘆房星落毛卷皮乾久病侵駿骨嘗感路人心驂騮一去不復返昭王臺上空黃金痛爾汗血枯憐爾伏櫪癯戀戀敝帷愛瘞爾琴臺西北隅凋鞍殘勒空狼藉徒步踉蹌弔孤魄主人尚懷短馭悲爾馬銷沈復誰惜

君不見絕塞烟塵苦戰爭追奔逐北饑腸鳴傷心萬古

長城下歲歲春風草自青

施尚白日  
結出悲響

陳轉菴母舅曰仁愛天植形  
于筆墨窮愁寄托更自凄惋

### 汝石歌

元氣傾欹西北坼媧皇煉石補天缺鑪飛火走不復收散作珠璣媚川澤五行正色居中央汝水清深蘊丹碧紛然肖物各象形奚啻肌分與理擘麟騫鳳翥翻雲車海立山騰破鮫宅仙人倚樹嘯閭風田父釋鋤卧南陌垂綸釣叟冒青簑挾笥將軍巾赤幘羅壁躔奎金瑣碎閃電蒸霞紅辟易火齊木難寧足多韎鞞玻璃詎可惜

寶光隱見各有時夜氣不貪間一獲我友縛欄倚溪住  
冥情探討窮歲月謂任木生小奚罔象窺天倪纍纍檢得丹  
砂液縹囊什襲等璜琥露袖一瞥驚几席慷慨出手肯  
相遺命我倉皇趣袍笏我有一尺哀玉斃綠沈香檠膩  
且滑已命承取天中泉鋪排錦石鑑毛髮陸離倒射瑩  
雙瞳泓淨因之沁心魄從茲長暑水石交昏曉山窗伴  
挾册只愁中夜雷霆爭石兮韜光無使六丁嚇

葉井叔曰詭譎陸離如入波斯賈肆賞不暇給

庭中秋海棠溽暑餘蒸將次就萎偶深宵微雨粲  
然復妍喜而有詩

炎薰簾外撲塵垢數朶花枝難自守微陰一夜散飛霏  
喚起真如醒宿酒紅潮初褪尚凝腮軟玉生烟豔作堆  
返魂香蕪長生殿不待林風破曉催綠衣侍女候新粧  
搖曳湘裙向鏡傍銀盤罷浣金莖露同倚闌干待晚涼  
亭畔紛紛秋蝶度淡雲微雨長相護天公尚解惜傾城  
莫道當年天子誤

柘浦山行時烽烟初靖夜宿漁梁淒涼達旦歌以  
紀之

古道荆榛斷人跡千峰倒影日將夕數家荒店半橫斜  
僅存四壁無安宅入門蠨蛸網簷楹立久主人始出迎

閑山詩集 卷三  
幡幡鬚髮白勝雪扶杖惟聞嘆息聲借問寇氛今靖否  
低徊不語但搔首入夜空村虎豹嗥瑟瑟寒風吹戶牖  
驚心饑鼠鬪人前聒耳寒蟲隨我後飛燐明滅盈丘墟  
幾點疎星掛碧虛不寐偏愁更漏永聽僮數問夜何如

觀射行

桓桓十五幽燕子手挽勁弓架長矢弓強六石矢稱之  
粘羽含弩三尺咫東家少年亦可兒出入意氣相傾馳  
長郊平蕪新草綠招携鬪射早春時楊柳枝邊一鵠懸  
中有赤日小如錢蒼茫布武自步遠欲射未射眼已穿  
自矜妙技不知難一箭劈破紅瑛盤南來書生見咋舌

嘆斯命中真奇絕雄心如虎臂如猿等閒貫革如嚼鐵  
余曰少習成性亦無奇巧者自應習者師疴癯承蝸輪  
扁斲以彼解此將無疑用志凝神臻要妙拂脊落毛供  
一笑天寒日暮捲侯歸噉噉空中下黃鶴

鸚鵡

曉夢初迴星月曙窗前鸚鵡分明語便便學佞已堪悲  
况對畫堂惜毛羽金條玉架違所歡翠衿短盡竟何故  
多言招忌物性同三緘汝舌當自悟沉香亭畔雪衣殘  
芳草洲前迷舊處煙雨空林有羽儀冥冥不啄向天去

小孤山次宋牧仲韻

大江瀉浪何沆漭遠見晴螺劣如掌中流詫此石筍岑  
刻削雲根卓波上砥柱不礙東朝宗蓬山瀛島凌空濛  
松杉葱籠宿鸛鶴谿舂砢磔驚蛟龍晶宮隱隱聞鼉鼓  
髣髴神妃出銀浦金支翠羽踏潮頭觸突天吳那敢怒  
我來正值晚濤平秋風拂拂綃帆輕烟鬟宛在不可卽  
冷然長嘯懷青冥

阮疇生日一結有  
健翻摩空之勢

鬱孤臺歌次宋牧仲韻

高臺屹崿爽氣浮下有章貢互奔流崩灘激浪排岍渚  
漁榔估舶凌清秋千載遺基委黃土蔓草荒藤翳斷礎

崆峒山勢徒蜿蜒疊嶂連雲走橫浦我來躑躅看嵯峩  
中懷磊砢感慨多蒼茫魏闕雲際遠回風落日增悲歌

吳蘭次曰與韜  
汝作俱蒼老

辛酉除夕同伯兄素汝弟獻汝韜汝使院守歲漫  
爲長句

今夕何夕歲將除官齋梅萼含復舒江高地暖霜雪少  
春風颺颺吹華裾冰盤剪韭饌格磔銀罌浮栢傾屠蘇  
放衙鎖印卻人事一堂同氣聊歡娛大兄別來髣髴白  
舍弟久客森髭鬚鴈行參差隔年載此地乃復同杯杆  
風蓬雪瓜漫回首聚散感激生悲愉人生期頤駒隙疾

冠纒何必勝尊鱸坐令旣翕阻言笑馬醫夏畦共嗟吁  
芳樽殘夜莫虛擲膠餠粉荔風未殊但今年年腹臘長  
相見一飲直須三百壺塔前爆竹走山鬼城上坎鼓驚  
畢逋慎莫不飲歲空徂

葉井叔曰  
蒼勁突兀

舟過彭蠡望匡廬和牧仲用蜚伯遊懸空寺韻

傾羲耀藻明江濱爛熳霞錦繡天孫風帆漂忽歸鳥疾  
側帽一眺廬阜尊元氣磊砢數百里遠從衡嶽分精魂  
上霄峰稜拂雲海長虹斜挂飛流奔瀉瀑噴沫瀉晴雪  
勢若疋練趨吳門巉巖欲黑嵐氣重香爐突起青烟痕

五老朝元御沆瀣儼騎白鹿高低蹲須臾月出林壑靜  
澄湖倒影驅黃昏泠泠思折九節杖拄到絕頂窮崑崙  
匡君縹緲如可卽翩然握手驟鸞軒玉顏易緇金骨老  
琅函丹訣誰與論尚平婚嫁了何許怫鬱徒嘆塵嬰繁  
橫笛數聲豁羈感坐聽舵底蛟龍翻

葉丙霞曰生新  
瑰麗賦恫心目

大孤山

大孤力砥大江流坐見狂瀾帖奔伏盤根滉漾誰與羣  
惟許小孤埒高躅摩空白塔削瓊標絕壁蒼藤蒙翠玉  
攀陟羨老僧閑飽弄烟雲應自足

及亥仲秋吳菌次粵舟將發招同緯雲日天公弟  
韜汝讌集曾波閣話別卽此賦送

吳興太守盛文詞與我握手贛之潛尋山共蠟幾繡屐  
望闕時抗雙顰看檀槽壓得露紅酒蠻榼提携馬前走  
拔劍狂爲斫地歌叩壺驚縱談天口池上山公騎屢迴  
相逢一笑卽啣盃荒齋看竹過白日曾閣觀瀾俯綠苔  
神交漸已忘賓主咫尺仙都如對宇但知題扇有王筠  
寧數班荆逢伍舉勝事相期到百年何當秋水拍離船  
燒燈更約南皮會行炙重開北海筵筵上哀絲雜急管  
啁啾似促傳觴緩八拍翻殘鶯語圓六么撥盡鴟筋短

金釐玉鱸羅東南的爍珠光火鳳啣華池印月湛清影

梅桃朶朶紅俱酣

時紅梅緋桃並開

賓朋不少鄒枚輩射覆彈

碁各精銳抽毫同製兎園篇不灑臨岐子高淚送君八

月到禺陽去看仙人騎五羊珊瑚截作徐陵管翡翠裁

成屈子裳四百峰頭梅勝雪登臨興指玉龍折四賦常

存陸賈金還丹應訪勾漏穴將車有子樂誰如謂形勿

忘懷人數寄書章貢臺下雙流急尺素時時問鯉魚

葉井叔曰先生與菌次傾蓋投轄留連彌月雙江名勝眺詠賡酬業富盛山荆潭之句臨別贈言後爾洋洋纒纒詩人多情余於先生益快定交不後菌次矣



卷一

一



